



20917





Mag. St. Dr.

P



20917





0.278,
SIMONIS STAROVOLSKI

DECLAMATIO

Contra obtrectatores
Poloniæ.



CRACOVIA,

In Officina Typogr. Matthiae Andreouiensis,
Anno M. DC. XXXI.

vid. XXIV. 2. 47

EURIPIDES IN DICTYÆ.

*Meo quidem iudicio non rectè sapit,
Qui spretis patriæ finibus terra,
Alienam laudat, & moribus gaudet alienis.*

20917. II.

Perillustri & Genoroso Domino,
D. CHRISTINO
KARWICKI,
Viro doctissimo, & Equiti
Strenuissimo :

SIMON STAROVOLSCIVS Salutem.



*Externas nationes peragrando,
& domi diuersos authores euoluē
do, aduertisti Miles fortissime,
tot conuicia & calumnias, per
summū odium dici à maleuolis
in gentem nostram. Quæ virtutis suæ conscia,
minimè illis mouetur, sed gnauiter ea, quæ im-
mortalitatem spirant, more sueto agit. Caterū
quia unicuiq; innatus Patriæ amor esse debet,
statuimus eius existimationem, pro ingenij exi-
litate, refutatis obtrectatorum criminationibus
breui declamatiuncula defendere, eamq; tibi
Publici Boni, amantissimo ciui, legendam &*

arbitrandam offerre. Tibi inquam, qui pro
cuius incolumitate, annis ferè viginti, sub Ma-
gno illo Heròà, CAROLO CHODKIEVICIO,
bellis Liuonicis atque Moschouiticis merendo,
te periculis omnibus intrepidè semper exposu-
isti: & quid transmarinus miles acie contra
nostros auderet, aut belli astu & ingenio vale-
ret, optimè animaduertisti. Et tamen, Deus
bone, quam inuerecundè illi, & rei militaris,
& virtutum ignorationem, nobis obijciunt?
quamquè vanissimè scriptis passim vulgatis in-
sultant? Ergo testis oculatus ignauia illorū
ipsorum, vindicias hasce prudens, in tutelam,
& patrociniū recipies, atq; STAROVSICVM
semper tuum, solitò amabis. Vale.



DECLAMATIO.



TSI ab antiquo & immemorabili tempore, gentem nostram armis gloriam quærentem A. N. inuidia exacerbati circumvicini populi, variè traducere consueverint, tum maximè præsentibus annis, quibus cum Gustavo Adolpho Suedici Regni incubatore, variâ fortunâ in Prussia certauimus, scriptis variis editis nomen Polonum passim proscindunt: partim, quod moribus, linguâ, habitu, totaq; viuendî ratione à nobis penitus differant: partim, quod armis nobiscum toties decertando, bello semper succubuerint: nuperq; Suedica stipendia merentes, tum in Liuania, tum in Borussia, cladem insignem suorum reportauerint. Hinc odium in nos, plusquam Vatinianum, & ad externos, aut posteros, scriptis infamibus traductio; sciens, cum suapte natura præceptum esse ad credendum falsa mortalium genus, tum quòd sæpissimè eò adducitur, inuerecundè vulgaris mendacis scriptorum. Pulchrè hac de re Tacitus, *Adeo maxima quæque ambigua sunt, dum alij quòquo modo audita pro compertis habent, alij vera in contrarium vertunt: & gliscit utrumque posteritate.* Probra atamen & calumniæ non nisi in generosos, &

Annal.
lib. 3.

fos, & maximis virtutibus præditos ciuntur; Ignauus
procul ab inuidia manet. Contra verò, populi summa
licet barbarie sepultri, non absque virtutis tamen alicuius
splendore viuunt. Circumspiciamus terræ vniuersæ im-
mensitatem, populosq; omnes quorquor sunt, vel Chri-
stiana veritate illustrati, vel stulto Idolorum cultu occæ-
cati, vel demum foedo Machometis errore, aut perfidia
Iudaica obstinati, diligentissimè consideremus: nullam
prorsus gentem, nullamque nationem tam stupidam at-
que agrestem reperiemus, quæ nō ducatur, naturali quo-
dam instinctu, pulcherrimo virtutis amore. Sed potissi-
ma eorum pars barbari nuncupatur, quod paucissimi di-
uinam hanc Diuam inter eos ardentius contemplantur
plurimi, remissius atque negligentius: pro occulto quis
que cæli influxu, æeris bonitate, situ loci, & commean-
tium ad se populorum ingenio. Quibus rectè adiunxe-
ris, temporum quoque qualitatem; cum ad oculum vi-
deamus omnia sæcula genium suum habere, qui mortali-
um animos in certa studia solet inflectere. Aque hinc
est, quod quædam ætates præcipuè armis exercitæ fue-
runt: quædam è contrario in quietem compositæ. & sæ-
pius orbis cultis hominum moribus enituit, pluries verò
velut in barbariem homines nasci vidimus. Italia exem-
plo, Græcia, Rhodus, Hispania, aliæque tum Asia, tum
Africa celebratissimæ gentes, quæ barbaræ primùm de-
inde succedente ætate cultissimæ fuerunt. Iterumque
superuenientibus Aquilonaribus oppressæ & incultæ:
nunc denuo caput nonnullæ extollunt, & mutabiles sæ-
culorum genios esse, suo exemplo docent. Nosterque
orbis Sarmaticus, velut ad barbariem olim sub Lechis,
Vissimiris, & Popellis factus: suscepta sub Mecislaao E-
uangelij

uangelij luce, nunc in quietem componebatur, nunc ad
feritatem adgnatam recedebat. & arcana quædam vis seu
Fatum ad certas & destinatas vices corda mortalium,
prout vbiq; sic & sub frigido axe propellebat. Patrum-
q; nostrum memoria, sub Diuo Sigismundo I. compo-
sita Polonia, omnis humanitatis cultu suam magnitudi-
nem ornauit Sub Augusto eius F. hominibus nostris, sci-
entia potius quam amorum amor increuit. Mox tur-
bo vbiq; Henrico in Gallias abeunte: & in omnium
animis bellum insonuit Stephano diademate reuincto,
Præfenti demum ætate, qua Inuicissimus Rex noster Si-
gismundus III. Sarmatiae gubernat habenas, quadrage-
simam quartam iam de hostibus nostris numeramus vi-
ctoriam, quod cum ille tot annis præsit nobis, & felici-
tatis eius cursum triumphis satius, quam temporum spa-
tijs metiri deceat. Virtutis autem splendore, omnis sanè
momento, pariter ac alia cultiores gentes vehementer
ducimur vniuersi, calumniasq; obreptantium nonnisi
ob eius studium perferimus. Nec ætas vlla fuit, ex quo
sacris Christianis initiati sumus, qua non teneremur pul-
cherrimo virtutis desiderio. Sed quia neminem natura
mortalium, tam conditis moribus finxit, in quo non ali-
quid desideres velut ultimam artificis manum, vicia ideirco
nostra Poloni fideliter agnoscimus, & à cultioribus admo-
niti libenter ea dediscimus, quantum ætatis istius indoles per-
mittit. Ex quo non ea iam hodie Poloniæ incumbit bar-
baries, quæ fuit temporibus Ditmari, Othonis Frisingen-
sis, aut Æneæ Syluij, qui gentem nostram ex suo ge-
nito aestimabant tunc, cum literarum secreta viri pariter ac
fœminæ ignorarent. Virtutum nunc æternitas velut hæ-
reditatis iure sancita, Poloniis inconcussa manet, & sim-
plex

plex fides, humanitas, fortitudoq; hæret in nobis. Quæ,
cum nimium maleuoli extenuent, & nos omni barbarie
infames censeant, nec dignos esse putent, qui reliquis Eu
ropæ populis nos exæquemus: ego officio ciuili ac po
tius pietate ductus, præsentî oratione hanc labem abo
lere, & omnem calumniam ab inuidia Sarmatica gente
nostra refellere constitui. Vos Equites fortissimi, quibus
patriæ amor in primis curæ debet esse, & qui omnis igno
minię, pro vestra animositate impatientes estis, non au
res modo mihi attentas & sitientes præbetote, sed ani
mos quoque paratos, publicam nominis Poloni infami
am, vestra virtute, vestra fortitudine, repellere,

Thomas
Lanſius
Orat. con
tra Polō.

Qui varios genios hominum: impetusq; animorum
curiosa diligentiâ cognoscunt. Alij varias virtutes
vnicuiq; genti, variaq; vitia adæquata esse dicunt: vnicum
verò istud, omnibus populis & singulis ferè hominibus
commune, quod ad suæ ipsius mentis notitiam nullus sa
nè peruenire queat: cum non postremæ tamen sapien
tiæ, censeret esse, qui in oraculi modum edidit. vt seipſū
quisque cognosceret. Itaque dum Censorio vultu no
stram Sarmatiam inspiciunt, aiunt, *Polones ita barbaros
esse vt nihil penitus commune cum virtute habeant, Religio
nis puritatem superstitionum & errorum monstris deturpent:
Nimirū, quod legibus suis contra iā Diuinis mandata sanciant, &
homicidia pœna pecuniaria mulcent: fontes, semetipſos su
spendere iubeant: plebem tyrannicè habeant: coniugio um
sanctitatem ritualium licentia temerare soleant. Quod fidem pu
blicam non seruent. Quod nec regnum habeant, nec regem, sed
oligarchiam quandam: vel si regem eum appellare libet, qui tam
licentiosæ genti præest, tum & hunc ex regionibus longinquis
adscitum*

adscitum; quod nulli apud eos imperio digni nascantur; & nobiles ferè omnes agrestes, seroces, arrogantes, pauperes: & qui in tugurijs tantum stabulentur, nec intelligent leuitias & elegantias, ne dicam politiam. Qui verò opulentiores sunt, satellicio gaudent ingenti ocioforum hominum: suam quæ ignobilitatem titulorum ornamentis asserunt, nobilitatem verò, quæ ad nauseam verbis pomposis iactant, cum tamen virtute penitus deficiant. Idem sordidum habitum deferunt: linguam barbaram & duram pronuntiatiu habent: solum sterile: calum frigidum: Latine linguæ exiguam cognitionem, & in cuius pronuntiatione turpissimè impingunt. Et quod rei caput est, nullam militia peritiâ, aut certè perexiguâ tenent: cùm iactent se habere centum quinquaginta milia nobilium equitum, resistere tamen Gustavo nequeunt: præcipuè verò peditatu minimè valent: ac ob id passim caduntur à Suecis, fustigantur à Moschis, vexantur à Tartaris, exagitantur à Dacis, extiment Hungaros, reuerentur Turcas, à Germanis verò toties olim subacti, assidua nunc sollicitantur cura, ne iterum colla iugo submittere cogantur. In summa, si quis Poloniam, inquit Thomas Lansius, laudaret, ingenij ostentandi causa id faceret, velut qui asini umbram, vel asinum ipsum, culicem, passerem, febrem, lutum, aut aliam rem frivolum scriptis suis celebrârunt. Et si quid in Polonia nunc supersit probum, & elegantioribus moribus congruum, illud maxime Germanorum industria & virtuti attribuendum est. In Polonica autè nobilitate, ita barbarè à natura serociente, ut omnes alias nationes dedignetur, quid tandem inuenies elegans, civile, urbanum, comæ, mansuetum, fideles? Deus bone! in quæ tempora devenimus! in quos incidimus Aristarchos! quæ iudicia, & quos arbitros habere promeruimus! atque illa natio Sarmatica, quæ Romanorum quondam, imò orbis vniuersi terror fuit, nunc imbellium hominum ludibri-

um est: & qui olim omnibus formidabiles, etiam vulgo indomiti cēsebantur, nunc in derisum vicinorum populorum venerunt; & quibus demum nihil in vniuerso orbe intactum fuit, vt & Asia, & Europa, & Africa domarentur, imbelles, ignaui, atq; rei militaris imperiti appellantur. Siccine tibi Lansi gens nostra res friuola, & asini vmbra esse videtur? gens inquam illa, quæ ex Scythia, omnium bellicosissimorum populorum matrice egressa, Parthos, Gothos, Hunnos, Mochos, Vandalos, Getas, Iazyngios, Dacos, Illyrios, Bulgaros, Russos, Boemos, Sclauonios & Croatas produxit: inq; alias fortissimas nationes dimanauit? quæ tot populos longa ætate fundatos, imperandiq; potentia firmos, breui momento perdomuit? quæ tot regna euertit? quæ tot provinciis opulentissimis etiamnum in Europa positur? Quid enim Cassubij, Silesij, Morauij, Carnioli, Pomerani? nonne è Sarmatia nostra orti atq; egressi, quamuis sub alieno nunc imperio, veterē tamen linguam retinuerunt? Quid in remotissimis Suetici regni partibus Gothorum Vandalorumq; populi, nonne nostri sanguinis & potentia inter Scandos & Finlandos monumenta sunt? Quid Vistogothi, Ostrogothi, Longobardi? quanto impetu, quanto valore, quanta virtute fuerunt isti? quanta bella executi sint? quot potius victorijs? Sed hæc præscorum Sarmatarum laus fuit, quorum fortunas, imperia, virtutes percensere maius humana eloquentia onus est: Nunc Lechitarum nostrorum præclara facinora, maximasq; atque letissimas virtutes agnoscamus, omnibus alijs sepositis. Nam & Hunnorum impetus, & Vandalorum excursiones, & Gothorum Imperia maxima, & Longobardorum felicissima regna, aliæ quoque gentes sibi, ob com-

munem

munem originē usurpant: quamuis propriè nostræ gentis hæc decora, atque inuicta munimenta sint. Et ad Adriaticum mare, Istrij, Mysij, Macedones, Epirotæ, Dalmatæ, ceteriq; populi nostræ etiamnum Slauonicæ linguæ sonum ac flexum retineant: & à Baltico sinu, atque Oceano illo quem glaciale vocant, imò ultra ipsum, à noua Zemla, ad Hyrcanum vsque & Euxinum mare, eiusdem nominis & seminis Circassy Casanij, Migrely, incolæ habitant. Satorem itaque nostrum Lechum, cuiusq; diuam propaginem consideremus Equites, & è ripis fluminis Vandali, qui mediam secat Poloniam nostram, vtrumq; solem qua oritur, & qua occidit, animis diligentissime circumspiciamus, & inueniemus hanc in partem Albim veterem fuisse limitem, vbi Boleslaus Criuoustus, Saxonibus & Cimbris profligatis, tres ferræas columnas in medio fluuio locauerat. In alteram, ad Maotim vsq; excurrere ius nominis vestri: vbi in illabenti Borysthene similiter alias tres columnas erexerat. Vnam in Arctoo ad Balticum mare, Prussis gentilibus subactis Ossæ fluuio imposuerat; meridiem Sarmaticis montibus, quos nunc Carpatios dicimus, à Pannonibus determinans. Hi sunt A, maiorum nostrorum Herculei labores, hæc monumenta bellicæ virtutis, hi termini Polonici imperij, quorum latissima spatia, maximis bellicosissimisq; gentibus habitata, viginti amplius explent prouincias. Quarum habitatores sub Lescis illis Boleslais, Vissimiris, Vladislais, Præmissis atque Cazimiris adedò securi agebant, vt nullo septi muro, viculis, ipsq; sparsis contenti, nullo vallo aut fossa, aut fluuio, aut monte, sed formidine hostes, Spartanorum more arcebant. Et admirentur obtredatares nostri quantumlibet facta sua, nihilominus

intelligent in nobis plus fuisse animorum ad res gerendas, quàm commentationis ad ipsas prædicandas: ut qui nunc etiam in medio ferocissimarum gentium positi, bellisq; assiduis cum Tartaris, Valachis, Turcis, & Moschis exerciti, nec Gallorum impetum, nec vigorem Belgarum, nec versutiam Anglorum, nec ferociam Germanorum, nec calliditatem Italorum, nec perunaciam Hollandorum, nec perseverantiam demum aut cunctationem Hispanorum extimescimus, quorum singuli hodie peritiam sibi & decus militiæ usurpant. Quid dicam Suecorum? qui nec tam immanes atq; vitæ prodigi sunt, quin instantibus nostris cedere, non libentissimè cedant: neque nos etiam sic cedere didicimus, ut non congressi acciem deferamus, quemadmodum calumniatores nostri libris nunc famosis editis in vulgus spargunt. Genus enim nostrum ad eò laudis avarum, & vitæ prodigum est, ut non exhorreamus & artes & potentiam quorumvis populorum: vnde & mortem omnino in bellis contemnimus, quia non alia ratione quàm morte possumus immortales nos facere. Quemadmodumq; Cretenses olim iuventutem suam in priinis leges, mox Deorum hymnos, atq; præclara Ducum facta, quorum imitatione ad virtutem incitarentur modulatis vocibus, memoriæ mundare cogebant: sic & maiores nostri veterum adhuc Sarmatarum consuetudine, in conuiuiis Heroum canebant facta, sicq; recreationem ex virtutum recordatione comparabant, & certis conditisq; saltibus inter gladiatorum framearumq; compositas dispositiones saltabant, ut in ludicris etiam prompti ad arma atq; præsentesset. Sic & nos eorum posteri, vestigijs insistentes illorum, & salutus eiusmodi (Hayduka appellamus) & similes cantilenas (quæ

nas (quæ vulgo Dumy dicuntur) conuiuiorum tempo-
re in vſu habemus; & in venationibus frequentes corpo-
ra duramus; & ad bella vltro proficiſcimus; & in præ-
lijs conſtanter pugnamus; & victorijs fruimur modera-
te; & libertatem noſtram, qua illi nihil præſtantius nobis
relinquere poterant, virtute noſtra ſartam rectamque in
hodiernum cōſeruamus: bellaq; ipſa nuſquam ad imma-
nitatem, aut regnandi libidinem, ſed ad conſeruandam
pacem ſuſcipimus. Et habeant licet aliæ gentes ærem ſa-
luberrimum, terram fertiliffimam, ciues ſuos cultiſſimos,
ciuitates munitiffimas, regnaque ipſa opulentiſſima, non
id tamen ad ipſorum gloriam pertinet, ſi virijs ſunt infa-
mes, quæ illis facile vel è media Scythia quiſpiam, ne di-
cam è Polonia obijcere poterit? Quod ſi autem fraudu-
lentæ nationes, candorem noſtrum & ſimplicitatem pro
ſtultitia habent, ſi impiæ & irreligioſæ, deuotionem pro
ſuperſtitione: ſi meticuloſæ, fortitudinem pro temeritate,
ſi molles, conſtantiam pro feritate, ſi ſuperbæ, animoſita-
tem pro arrogantia, ſi luxurioſæ, temperantiam pro ve-
neficijs, & irugalitatem pro ſordibus, faciliùs crimina hæc
honestos nos efficiunt, quam illi nos inhonestos. Quia,
quamuis nemo, iuxta illud vetus prouerbum, ſine crimi-
ne viuatur, nō inuenitur in partibus tñ noſtris (vt cum Deo
bono dicam) grauiffimum blaſphemiz peccatum: non
ſœdauiſmus turpiſſimo Sodomiz ſcelere ſanguinem no-
ſtrum: auerſæ Veneris flagitio, non inquinauimus gen-
tem noſtram: non maculauimus deteſtabili perfidia crimine
candorem Sarmaticum: beſtialitatem, lenocinium,
gladiatoriam, lupanaria, magiam, ignoramus: neſcimus
puerorum amorem: alex academias non habemus. Nec
ſumus hiſtrioniꝝ dediti vt Itali, nec faſtuoſi vt Germani,
B 3 nec le-

Qui vltro
abſq; ſtipen-
dis ad bella
proficiſcun-
tur vulgo
Voluntarii
in caſtris ap-
pellantur.

LanflucOra
tionē contra
Poloniam
& Theatrū
Politicum.
Item Archō
bologia Co-
smica Dioni-
sij Gotfredi.

nec leues vt Galli, nec superbi vt Hispani, nec truculen-
ti vt Moschi: non infames veneficijs vt Suedi, non la-
trocinjs & furto assueti vt Hungari, non exterorum
contemptiores vt Angli, non iracundi vt Scotti.
apud quos inimicitiarum vis in hæredes quoque abit,
Sed si aliquibus vitijs, vt humana fert conditio assueti su-
mus, dedidicimus ea moniti à cultioribus, & pluribus
longè virtutibus compensamus. Quod verò nobis Lan-
sius, aliq; Germani scriptores, superstitionum monstra,
& gentilitatis cœcos errores exprobrant, aiuntq; Deum
Ziemiennicum in Lituania, serpentes autem in Samogi-
tia à rusticis coli. Hoc inscitia rerum nostrarum faciunt,
Æneam, Syluium, celebrē alias & grauem scriptorem se-
quentes, qui de vtraque illa gente verissimè tum scripse-
rat, cum nondum eos lux Euangelij aspexisset. At D. Ia-
gello acceptis regni gubernaculis ad propitiandum cœ-
leste numen, ac populos in officio continendos, illud cu-
rabat imprimis, vt studium Christianæ religionis antiquis-
simum sibi esse cuncti perspicerent. Idcirco & in Polo-
nia salutariter in eo genere multa decreuit, & in Lituania
ipse Apostoli officio functus cultui diuino quam pluri-
mas ædes extruxit, Episcopatus & mystarum collegia ad
erudiendum barbaram gentem instituit, ipse q; eorum ba-
ptismo, qui turmatim aqua lustrali aspergebantur interfu-
it, & munera atque vestes plebi largitus est. Auxerunt
pios eius conatus succedentes in regno eius filij; tum
proceres gentis, suo exemplo, & diligentia sacrorum viro-
rum, per ducentos & amplius annos in religione anti-
quantes, Samogitasq; ac Lituanos non minus Catholi-
cos fecerunt, quàm sint Hispani aut Romani ciues. Sed
isti veterum librorum descriptores, quod de gentilibus
notatum

notatum erat, suis (si dijs placet) lucubrationibus, pro re
 praesenti interseruerunt. Sicut & illud, quod rustici in Po-
 lonia Dominicam orationem ignorent, & Confessionis
 Eucharistiæq; Sacramentum Principibus tantum conue-
 nire, atque potissimum ad sacerdotes & nobiles pertine-
 re dicant, sibi verò non vacare adire templa, aut partici-
 pare Sacramenta. Falleris magnopere quisquis ita ru-
 des ac barbaros esse Polonos existimas, apud quos pas-
 sim in pagis & Villis, singulis diebus festis Missarum so-
 lennia & conciones ad plebem peraguntur, diuinarumq;
 institutionum Cathedres pueris traduntur, vt vbique
 repperias etiam inter sylvas densissimas, qui & diuina
 præcepta, & literas, ac linguam Latinam calleat. Verum
 quod nostri Chronographi de Russis & Motchis prodi-
 derunt, qui minus res Ecclesiasticas curant, quamui- Christi-
 anam profiteantur religionem: hoc de nobis dictum esse
 affirmat, egregius ille Tubingensium Declamator, & mul-
 tis alijs argumentis Polonorum inciuilitatem exaggerat;
 additq; ad criminis atrocitatem declarandam, in eadem
 Lithuania, atque nonnullis ciuitatibus Volhyniæ, Tartaris
 datam esse licentiam obseruandi infames Machometis
 ritus, Item, Hæreticis varijs, Armenis, atque Græcis ab
 Eccl: Romana Schismate alienis, libertatē viuēdi à Regi-
 bus concessam exprobrat. O zelum pietatis! O religionis
 ardorem in viris, quibus Deus nullus, aut certè venter est!
 & qui nec Pontificem, nec altare habent, de religionibus
 iudicant, & nobis qui vniuersalis Ecclesiæ Romanæ do-
 gmata sequimur, hæreses atque errores obijciunt. Est
 enim nostra religio, Auditores, quam profiteamur sanctissi-
 ma, verissima, æterna; quam æterna veritas in carne hu-
 mana apparens discipulis suis dictauit, quam sacri Euan-
 geliæ,

Gual. 7er.
 Pol. Tom. 3
 Naugebaur
 rus in Com-
 ment. Mosc.
 cap. 12.

gelistæ, ab ore eius excipientes, venerandis monumen-
tis consignarunt, quam ab eo ipso electi per orbem vni-
uersum promulgarunt Apostoli, Martyres inclyti sangui-
ne fuso purpurarunt, quam Patres illi antiqui grauissimis
commentarijs illustrarunt, quam Scholastici Doctores
euidētissimis rationibus demonstrarunt, quam Concilia
œcumenica concordibus decretis definierunt, & quam
Catholica demum seu Orthodoxa approbavit sua autho-
ritate per Pontifices Ecclesia. Hanc nos Poloni asseri-
mus, hanc armis à Crucis hostibus tuemur, hanc legibus
vindicamus ab impijs hæreticis. Quibus nullum tem-
plum Catholicum violare, nullam extruere impietatis sy-
nagogam permittimus, præter solius conscientię liber-
tatem: quod ea cogi nequeat, fidei q; lumen cępitus ve-
niat: & non nisi docendo, scribendo, atque disputando
veterum patrum sanctissimo instituto, promulgatur. Et
inde fit, quod inter nos nusquam repperiantur impij A-
thei, quales inueniuntur inter eos qui se Catholicos, Chri-
stianissimos, Fidei defensores, & Ecclesię primogenitos
appellant, religionem verò vestimento tantum, non in-
timo cordis adfectu æstimare solent. Nusquam etiam re-
periuntur apud nos renegati, ad impurissimam Macho-
metis sectam desciscētes, quod Occidentalibus com-
mune est, præsertim ob scelus aliquod infamia notans:
quales apud nos ad Cosachos potius Zaporosenses, bar-
baros prædatū cunt, pietatem in toto Christianam seruā-
tes. Denique nusquam apud nos de religione armis di-
disceptatum est, vt inter Essenos, Saducæos atq; Phari-
sæos olim in Iudæa: inter Monotelitas, Iconomachos &
Donatistas in Græcia atque Affrica: demum in Gallia,
Germania, Belgio, Scotia atq; Anglia, inter Albinianos,

Hugo.

Hugonottos & Protestantes. Nec est regio in toto Septentrione præter Poloniam, quæ Christianismum conseruârit constantius, professâ sit sincerius, coluerit magnificentius: quod & Rex nullus apud nos Hæresi aut Schismate pollutus fuerit, & plurimæ vrbes (ac inter eas Leopoldis metropolis Russiæ) integræq; prouinciæ, ab ista impietatis lue, immunes exstiterint: præcipuè autem Masouia, quæ ne Iudæos quidem in suis ciuitatibus patitur. Quamuis igitur omnes leges nostras, legibus diuinis contrarias esse maleuoli dicant, nusquam tñ Polonum militem sub ijs educatum audies nefarias de Deo aut sanctis eius voces proferentem, cum tamen insolentissimus sit omnium Europæorum militum: non videbis locis sacratiss, aut sacrorum mystis iniuriam inferentem: non matronas virginesq; in expugnationibus urbium vitiantem: non leorta in castra secum adducentem: aut captos deditosq; contra pacta trucidantem: aut contra fas iustumue socios deprædantem, aut vindicantem priuatas iniurias monomachia, quod alibi vsitatum. Nec est censendum contra legem diuinam esse, quod homicidæ apud nos data certa pecunia absoluantur, vt exprobrat nobis Bodinus re male intellecta: cum id sancitum sit de ijs, qui testibus adfirmantibus probauerint se crimen homicidij, in defensione vitæ, aut honoris, aut rerum suarum commisisse, quod vtique lege naturæ licitum est. Secus, si quis temerariè commiserit, & in recenti crimine depræhensus fuerit: talis ex templò capite secundum iura diuina puniatur: aut si fuga elapsus fuerit, infamiæ notâ: donec & parit læsæ, & publicæ seueritati satis per leges fecerit. Si verò quis ob homicidium, aut aliud crimen, intra annum & sex septimanarum tempus, intra quod commissum dicatur,

C

aliquem

Bodinlib.
de Repub.

aliquem in iudicium non vocat, omnem tunc capitolii iudicio contra eum agendi moribus nostris facultatem a-

I. Bod. M. mittit. Quot utique convenientius videtur esse illa con-

H. cap. 5: fuetudine Klagenfurtensium in Germania, apud quos

I. Boem. de furti suspectus statim in furcam agebatur, postmodum verò

Europa. l. 3. de mortuo quaestio erat, qui si reus inuentus esset, ma-

cap. 17. nebat pendulus poenae loco: si innocens, funere publi-

Faber: H. co in cœmeterium deferrebat. Rectius sanè quàm in

Suen: l. 1. vicina nobis Moravia, ubi legibus cautum habetur, ut

c. 18. accusator suismet manibus ipse furem suspendat in furca:

Dubr: Hist. aut si noluerit, ipse à fure suspendatur. Denique melius

Boem: lib. 32. quàm in Heluitia, ubi etiam iniuriam à se repellentem

Simler: de capite puniunt, si ciuem Lucernatem occiderit. At gra-

Rep: Helu: uius inquit, Poloni delinquant, qui fontes suismet ma-

l. 20. nibus sese suspendere iubent, sicut Vitoldus, Suidrigelus

atque eorum nepos Sigismundus, Lituaniæ Duces facere

consueuerant, qui in sua praesentia, milites ob leue deli-

ctum, sese suspendere iuebant. Fateor fuisse verum, cum

Principes illi ex gentilitate nuper ad Christum conuersi,

nondum probis moribus fuissent sufficienter perpolitii;

populiq; illi quibus imperitabant, etiamnum ignorent,

naturâ an consuetudine acceperint, Principibus obno-

xio ingenio esse, faciliq; gubernantibus. Qui ex culti tamen

virtutibus Christianis: atq; artibus optimis, turpem illam

gentilitatis consuetudinem detestantur. Nec plebem tri-

sti imperio gubernant, ut asserit Ditmarus Episcopus

Merseburgensis, qui ante sexcentos propè annos vixe-

rat, & vera de barbaris tum Polonis aut Lithuanis scri-

pserat; quem ætate praesenti Guilelmus Barclaius secu-

tus, de Polonis quos nusquam viderat, prodidit, quod

apud eos rusticorum conditio sit durissima. Quibus etsi

in paren-

in parendi sortem genitis, non detur à suis dominis ad
 superiora subsellia prouocatio, miti eos nihilominus im-
 perio regimus, quia quæcunque & ipsi suppliciorum
 metu colimus, eadem tristi fastidio solemus auersari, nec
 graues ob id vrbicæ plebi aut agricolis nostris esse. Et
 quamuis patriciorum siue nobilium ordo, maximis qui-
 busque prærogatiuis sit exornatus, ita vt ad publica Reip.
 gubernacula, nemo ex plebe præter solos nobiles vn-
 quam admittatur. Tamen in tanta imperij Sarmatici diu-
 turnitate, nulla vnquam plebis rebellio aut sedicio exci-
 tata est, neque vlla rerum nouarum occasio quæsitæ, aut
 fidei vacillantis erga equestrem ordinem, vel minima su-
 spitio exhibita, quod sæpius euenit in Germania, Hunga-
 ria, atque Italia ipsa, si Romanam, Florentinam, Insularem
 & Pisanam, Historias diligentius examinabimus. Sed quæ
 vera erant de Lithuanis Idolorum tum cultoribus, hoc
 Æneas Syluius de tota Polonia, Christianis iam moribus
 optimè exulta, scriptis suis per summū odiū vulgauerat,
 quod videlicet homini ambitioso Episcoparū Varmien-
 sem à Pontifice designatum Rex Casimirus, iuri suo de-
 rogare nolens, denegasset. Verum enim uero non apud
 nos tantum in Polonia rustici duriusculè habentur, sed
 in toto ferè Occidente, ac præcipuè apud Gallos, Lus-
 tanos, Scotos, & Insulæ, qui Æthiopas & Mauros, atsi
 Christiana imbutos religione, cum liberis tamen ac ne-
 potibus, perpetuam seruitutem seruire compellunt. Si-
 culi verò, Candiani, & Equites Melitenses, miseros Ro-
 xolanos nostros è Turcica seruitute armis aut fuga sese
 vindicantes, seruorū loco apud se detinent, nec sinunt ad
 pœnates remeare patrios, licet sint Christiani prout & illi.
 Simili odio ducti in gentem nostram asserunt Ger-
 mani,

Bod : l. 6.
 de Bello Gal-
 lico.
 Or de Rep:
 l. 1. in cap: 5.

mani, quod M. Antonius Sabellicus olim falsissimè in
 sua Historia scripserat, in Lithuania coniugiorum sancti-
 tatem riuahum licentia temerari, qui consultò à maritis
 in gratiam vxorum fouentur: eumq; morem perpetuum
 esse dicunt, quicunq; nuper Geographiæ, aut populo-
 rum descriptioni applicant manum. O scelus! asserere de
 Lithuania quæ in media ferè Christianitate posita est, quasi
 de India, quæ Christum adhuc nesciat, & remotissi-
 mis Americæ finibus claudatur. Oinuerè eundiam, affir-
 mare de Septentrionalibus, qui vagas etiam quasuis vo-
 luptates summè detestantur, quod ne in cæca quidem
 Æthiopum gentilitate toleratur: cum & in brutis qui-
 busdam animantibus vis naturæ hoc exprimat, vt fidem
 coniugij adulterio pollutam atroci prosequantur pœna.
 Plinius enim author est, Leonem odore Pardi coitum
 sentire in adultera, totaq; vi consurgere in pœnam, Idem
 & Elephantes adulteria ignorare, nullaq; propter fœmi-
 nas prælia inter se ciere tradit. Alibi medius fidius alibi,
 non apud Polonos adulteria non puniri, magni nominis
 I. C. Ioannes Faber, nonnulliq; alij authores scripserunt,
 Sarmatæ furtiuos quoque complexus seuerissimè puni-
 unt, Salacissimorum Austri populorum hoc scelus pro-
 prium est, qui in turpissimis Veneris castris, ferè sine vlla
 pudoris & honesti memoria, & sine metu pœnæ luxuri-
 antur: qui in sacris etiam locis de explenda libidine co-
 gitant, (ac propterea fœminæ eorum obscuriora tem-
 plorum oratoria intrare prohibentur) qui libros in pu-
 blicum typis emittunt, quibus castitatem deturpant, tem-
 perantiam euertunt, vagam linguam & mentem formât,
 innumeraque adulteriorum & effrenatarum libidinum
 stratagemata ostendunt, & quibus matrimonia, quæ nos
 sanctissi-

Archontolo
 gia Cosmica
 Dionysii
 Gotfredi.
 Percatuli, in
 Pol. fel.
 Sylu. in Pa-
 ral.

Alf. l. 4. c. 8
 Mercurius
 Gallobelgia
 cus T. 2.

Ant. Robe.
 rer. iudic.
 lib. 1, c. 14

sanctissimè obseruamus, furtiuis complexibus polluere
 docent. Castæ ab hoc flagitio Lituanorum mentes, qui-
 bus amor honesti perennis, quibus pietas cordi est: &
 qui moribus Christianis, literarum doctrinis, & omni
 virtute adedò exculti sunt, vt cum omnibus alijs gentibus
 de virtutum gloria certare possint. Neque enim tam bar-
 baro & rudî ingenio vnquam fuisse gens Lithuana pu-
 tanda est, vt quam legem honesti omnium animis natura
 inseuit, sola hæc oboleret. Neque dominatur in no-
 bilissimo regno Polonia tantâ licentiâ venus illicita, *Böter. in*
 quanta in Italia, Castilia, aut Valentia. Nec alimus ancil- *Rel. p. 1. f. 1.*
 las, tanquam columbas, ad stuprandum vt in Lusitania, *Clenar. lib.*
 nec permittimus balnea promiscua, vt habentur multis *1. Epist.*
 in locis Germaniæ: nec indomitæ libidinis fœminas pro- *Camerar.*
 stare patimur, vt in Suecia: nec pluralitatem vxorum fo- *Cent. 1. c. 34*
 uemus vt in Scotia, quorum Rex Euenus III. legem tu- *F. Faber H.*
 lerat, vt cuius liceret pro opibus, quot alere posset, vx- *Sueu. lib. 1.*
 res ducere: vt Rex ante nuptias sponsarum nobilium, *cap. 10.*
 Nobiles plebeiarum, prælibarent pudicitiam: vtq; ple- *G. Buchan.*
 beiorum vxores cum nobilitate communes essent. Nec *rerum Scot.*
 habemus stupri legem Meridionalibus solennem (si mo- *lib. 4.*
 do eam legem appellare licet, & non immane potius ac
 nefarium scelus) qua Cyprii quondam virgines ante nu-
 ptias prostituere solebant: qua Angiæ fœminas suas no-
 ste qua nubarent omnium stupro exponebant. Nec ad-
 mittimus demum illegitimè natos ad iura successionis,
 vt solent facere Occidentales, nec ad sacerdotia, opifi-
 cia artificum, aut honores vllos: cum alibi scepra etiam
 ipsa capiant. Sed sic castè & ad normam honestatis viu-
 mus, vt inter altercandum nullam ab aduersario labem
 thori polluti mentionem auribus excipiamus, obiectam

verò sanguine aboleamus, & morte vlciscamur ipsa.

Quod autem fidem publicam spectat Equites, ausim ego dicere, nullam gentem sub sole esse, quæ nos possit æquare, ne dicam superare fidei stipulatæ firmitate aut certitudine. Quæ enim natio Christiana tam fida est, quæ subiectionis terminos transgressa non violaret Principes suos? quæ tam constans, quæ pacta cum vicinis populis ob aliquam vtilitatem non infringeret? quæ tam candida & niuei pectoris, quæ transfugijs & proditionibus se ipsam non commacularet? quæ tam veri ac verbi tenax, quæ externis Principibus subsidio veniens, ad illorum hostes ob maius lucrum non deficeret? Nulla profectò alia præter inclytos Sarmatas nostros, qui nusquam Regem suum occiderunt, nusquam vicinos fractis fœderibus inuaserunt, nusquam proditione aliqua seipfos macularunt. Legite historias, excutite annales, tabulas examine & antiquitatem omnem, nullibi à Polonis fidem fractam repperietis: imò seruata plurimis in locis cum vitæ discrimine animaduertetis. Sigismundus Imp. à Turcis ad Columbanum acie pulsus, cum Ioannem Zauissiu cognomine Nigrum, Polonæ cohortis ductorem, quem imprimis amabat, vellet fugiens secum nauicula piscatoria in tutiorem locum Danubio tranato deportare, non possum inquit Imperator proditis commilitonibus meis viuere, aut te fugientem sequi, qui eo animo castra tua secutus sum, vt vel vitæ periculo rem Christianam pro posse iuarem. Et obuerso statim in hostē equo tamdiu cum barbaris pugnavit, donec à multitudine superatus in eorum potestatem viuis veniret: quem cum quisque suum captiuum habere vellet, quod armis splendide & ab auro vestitus esset, inter altercandum indigna morte occide-

occiderunt. Simile fidei, & in principem amoris exem-
plum in Gouoricio Palatino Sendemiriensi legimus, qui
maluit innocens in exilium abire, quam impedimento
esse Cazimiro Iusto ad Principatum Poloniæ à proceri-
bus vocato hac lege ut Gouoricium ablegaret. Sed hæc
antiquiora sunt, & à viris excellentibus facta, videamus
recentiora & à plebeijs hominibus, non plebeio animo
patrata, Iuonia Moldauiz Princeps bellum Turcis intu-
lerat, inq; commilitum mille ducentos Cosachos ducere *Gorecius de bello Valas-
chic o.*
Suiersezuio è Polonia euocauerat; hi post tot victori-
as felices Turcam quendam ceperant, qui tantum lytri,
modo ne duceretur ad Iuoniam victoribus dabat, quan-
tum ter auro, & semel gemmis suum pondus in statera
exæquaret. Ingens thesaurus! & præsertim viris milita-
ribus, qui exigua pecuniola conducti vitam in pericu-
lum mittunt. Tamen maior illis fides fuit, quam Iuonia
spoponderant, Turcamq; illum tam diuitem ad eum de-
duxerunt, à quo non modo precij nihil quidquam acce-
perunt, sed vitam etiam ipsam cum illo, imò pro illo in
acie effuderunt, cum iam Iuonia fraude Turcarum in
colloquium euocatus, in frustra discerptus fuisset. Igitur
indignam vlciscendo illius mortem tam diu pugnarunt
donec occubuerint omnes, qui tamen integri abire
poterant. Idem fecerunt, qui nostra ætate Michaelis Mol-
dauiz Palatini signa sequebantur contra Turcam. Idem
qui pro Sigismundo Bathoreo Principe Transyluaniz,
proq; Rudolpho & Matthia Impp. & nuper pro Sere-
niss: Ferdinando II. contra rebelles Hæreticos pugna-
runt: à quorum obsequio & fide, nullis promissis, nul-
loq; pretio se abducere sunt passi. Cum alijs gentibus
commune & vsitatum sit transire ad hostes, vbi vel sti-
pendi

-Iouius in
Scotia.

Cuspi. in Ca
rolo Craßo
Ottho Fri-
sing. lib. 6.
cap. 9.
Bodin in
Resp. ad
Malest.

pendia maiora numerantur, vel in suis castris, aut arcibus quas defendunt, commeatus inopia exoritur: vel ubi denique præsens vitæ periculum imminet. Experti sumus bellis nuperrimis, cum Turca, Moscho, & Suecis, præcipuè in Prussia, cum ad Gustauum turmatim, cum signis, centurionibus & Chiliarchis Germani & Galli, quorum alas aliquot habebamus, transfugerent, Habent enim illi animas venales, & velut gladiatores olim apud Romanos turpi pretio ad necem se auctorari patiuntur, & cuius stipendia numeranti militant: militantq; sæpè cōtrariis in exercitiis, aut transeunt vicissim ad hostem: tumultuanturq; leui ex occasione contra Principes suos, & sæpissimè innocuos trucidant. Vt enim hic taceam Scotos, qui tres & quinquaginta Reges, aut bellica vi, aut procerum insidiis crudeliter interemerunt. Vt omit- tam Anglos qui duodecem Reges ciuili conspiratione interfecerunt. Vt sileam Hispanos, qui toties armis Reges suos persecuti sunt, & Iuliano Comite authore, Mau- ros ex Africa in patriam induxerunt, quorum postea iu- go tot ætates præmebantur. Vt prætermittam & Gallos, qui Carolum Craßum regno eiecerunt, inq; Ludouicum XI. bellum innata leuitate susceperunt, Ioannem pro pa- tria fortiter pugnantem & ab Anglis captum, liberare noluerunt, & nupera ætate duos Henricos sceleratissimi homines inreremerunt. Non memorabo & Hungaros qui contra sanctum illum Regem & Apostolum suum Stephanum I. contraq; Sigismundum Imp. & Matthi- am Coruinum, benè de se meritos Principes arma sum- pserunt. Vt omittam & Græcos atque Romanos, qui singulos ferè Imperatores suos, aut occiderunt, aut ex- cœcarunt, aut in exilium relegarunt. Soli Germani non
totis

totis trecentis annis, nouem Imperatores ciuili clade ab- Bod: de
 sorbserunt, præter eos qui Imperio se abdicare coacti Replib: 6.
 sunt. Ita isti contumeliose, ita flagitiose in Augustalem c. 5.
 dignitatem grassantur, & nunc decennio iam in sacra-
 tissimum caput Ferdinandi II. bellum perfidi molun-
 tur. Et tamen isti nobis non verentur exprobrare, quod
 Rixam assiduò cum fratribus mariti sui rixas exercen-
 tem, eorumq; Principatus per vim occupantem, nolue-
 rimus iterum recipere, cum spretis semel Polonis, cum
 filio Boleslao ad cognatos suos in Germaniam abiisset.
 Quod Lescum Nigrum nonnulli procerum contemnē-
 tes, Conradum Masouiorum Ducem ad Principandum Radewicm
 vocauerunt. Quod repulso Gulielmo Austriaco, Hedui in appenlis
 gim postremi Regis Ludouici filiam, Iagelloni homini ce ad Ott:
 barbaro elocauerimus. Quod Vladislaus prædicti Ia- Frising. l. 1.
 gellonis F, ad Varnam postea occisus, Amurato Turca- cap: 1.
 rum Tyranno fidem iuramento firmatam, non seruaue- Cuspin in
 rit: & Ladislaum infantem regno Hungarico hæredita- Amurat: 11.
 rio ciecerit. Quod Liuoniam atq; Borussiam Imperij Leunclao
 Germanici prouincias interceperimus. Quodq; Archi- uius in Ann.
 ducem Maximilianum vocatum ad regnum, clade affe- Tu.
 cerimus & ipsum captum in carcere detinuerimus. Hæc
 atque alia plurima, Auditores, homines fœdisfragi & per-
 uersi, candori nostro obijciunt, fidem Polonam è genio
 suo æstimantes, cum tamen longè diuersi sint mores
 nostri à moribus illorum, mensq; ipsa longè alia, vt qui
 omnem speciem reconditi astus natura odimus, facilio-
 res decipi, quàm decipere, vt inquit Boterus & depræ- Boter: res
 dari, quam nocere aptiores. Siquidem & latrocinia lat: de Pol.
 nullibi minora, quam in Polonia repperies, & in hac
 tanta quæ vulgò sigillatur licentia, pudore & reuerentia
 D magis,

magis, quàm metu aut formidine legum quidam sunt temperantes. Cùm interim alibi passim, vel maxima seueritate animaduersionis populi in officio vix contineretur. Vnde & Rixam nimium cum Polonis rixantem quis eiectam dicere poterit, cum vltro ad pœnates patrios abierit? volenti autem vt vulgò Legistæ dicunt quæ iniuria sit? aut quis recipere voluit post quinquendium redire cupientem, cum iam alia esset facies Poloniæ, & illa non contenta Principatu Maioris Poloniæ, quàm a rito illius de iure debebatur, omnibus quatuor tetrarchiis in quas diuisa tum Polonia erat, cupidè inhiabat. Igitur consobrinos turbanti à proceribus restitutum est, & arma Germanica minitanti, exilium perpetuum inditum, à quo deinde nec Cæsarum potentia postliminio redire poterat. Quod verò Lescum Nigrum Principatu deturbatum à Conrado Masouiæ Duce, non ita cito vti oportebat, priori fortunæ proceres restituerint, in causa fuit calliditas Germanorum, sub prætextu affinitatis Poloniæ inuadere volentium; quæ cum vnita grauis eorum ceruicibus esset, belloq; tum difficili Boemiæ & Saxoniam totam diuexasset, vt vlciscerentur facilius iniurias suas, internis primùm discordiis cognatos Principes Poloniæ attritos & debilitatos esse volebant, atque Conradum potentio rem tum alijs in Lescum subornabant: cui deinde subsidio cum exercitu contra Conradum venientes, occupabant pro se loca munitiora Poloniæ. Eapropter suspectam toties Germanorum amicitiam habentes, nolimus Gulielmum Austriacum nobis regnare, eiq; prætulimus Iagellonem Lituaniæ Ducem potentem, partim quod Hedvigis absque Senatus assensu Gulielmo matrimonij spem obtulisset, quod omninò per
leges

leges nostras fieri nequibat: partim quod multo maiorem
 ex Iagellonis nuptijs vtilitatem Respub. retulisset: vt
 potetot populorum conuersionem ad Christum, & tot
 prouinciarum adiectionem ad Regnum Poloniæ. Quod
 equidem regnum tam auctum prouincijs, tam illustre vi-
 ctorijs, tamq; opulentum rerum omnium copia, poterat
 sanè sufficere Vladislao, patri succedenti, nisi cum præ-
 stans & regia virtus multo pluribus sceptris dignum o-
 stendisset, Hungarorumq; procures publicis vovis ad ca-
 piendam coronam expetiissent. Qui deinde inopinatò
 discordes inter se facti, tot motus, tot bella dederunt:
 atque id ipsum dolo malo Germanorum. Hi enim ægrè
 ferentes bellicosissimum iuuenem duorum regnorum
 sceptris potiri, qui vnus regni viribus armatus, grauis
 eorum ceruicibus foret, persuaferunt Reginæ viduæ, in-
 fantem Ladislaum quantociùs Albæregiæ in augurare,
 subq; Cæsaris Germanici patrociniū confugere, qui
 nec Sarmatam in nimiam potentiam excrecere sineret,
 nec possessione Regni Hungarici gentem Germano-
 rum excludere pateretur: cum illa soror Cæsaris esset, &
 multos iam Germanos opimis possessionibus in Hunga-
 ria ditasset. Vladislaus itaque. vt erat natura animosus,
 tam notabilem cōtumeliam suffere nequens, & puerum
 regem tota possessione Hungariæ vna cum matre eiecit,
 & Hungaros rebellantes sibi grauissimè multatus est.
 Atque tandem pro Crucis gloria bello contra Turcas su-
 scepio, insigni victoria ad montem Aemum potitus, in-
 ducias decennales cum Amurate pepigerat. Sed quas
 Pontifice dispensante, non suo libitu ruperat, indignis
 persuationibus Iuliani Cardinalis inductus. Nos enim
 Sarmatę fidem vnicuique seruamus inuiolabilem, toties-

Calimachus
 in vita Vla-
 dislai.

que ad bellum sociale à Christianis Principibus vocati
contra Turcas, pactorum nexu astricti excusamus, quòd
nihil appetamus cum noxa alterius. Sic Dñus Jagello ob-
blatum sibi à proceribus Boemię regnū respuit, quod ius
in illud prætenderent alij. Sic nepos eius Sigismundus,
Dania & Suecię regna reiecit, quòd expulsus Christi-
anus, vim sibi fieri & iniuriam per literas quiritaretur. Sic
nuper oblatam Silesiam negleximus, ne pacta cum Im-
perio aliquo modo infringereamus. Cum assiduò lamen-
tentur Germanię proceres Livoniam sibi & Borussiam à
Polonis iniquè extortam esse, quæ duæ, inquit, nobi-
lissimæ provinciæ, coloniæ olim eorum fuerunt. Con-
cedo vobis hanc laudem, ô nimium quiritabundi Alema-
ni, concedo libenter, vestræ enim gentis homines, istas
provincias ita pulchrè & nunc sunt, excoluerunt, vestra-
que lingua passim ferè illarum incolæ etiamnum vtuntur.
At quod iniuste vobis ereptas esse dicitis, istud omnino
nego, & quicquid per tot ætates criminando gentem no-
stram scripsistis, totum falsissimum esse pronuncio. Cum
liquido constet historias & nostras & vestras diligenter
euoluenti, Prussię populos sui iuris suęque spontis prima
ab origine fuisse, cum quibus tot bella Principes nostri
gesserunt, Lesci illi fortes, Cazimiri, Boleslai, Vladislai,
Masouiæque postea nonnulli Dynastę: sed quos pri-
mus Criuoustus perdomitos sub iugum miserat, & co-
lumnam illam ferream, vti supra diximus, perpetuum
virtutis suę ad posteros monumentum, ad Ossam fluuiū
locauerat, Christiano cultu apud eos propagato. Quo
illi postea reiecto, vt ad Idolorum seruitutem redierunt,
sic & ad libertatem pristinam, iugo Polonorum excusso.
Graues igitur vicinis Masouijs frequentibus excursioni-
bus, &

bus, & Conradus Masouiorum tunc Princeps resistere illis nequiens, vestri Theutonici Ordinis Equitibus, ex tempestate Palæstina & Syria pulsus, receptaculum Terram Michalouienssem dederat, quo & Prussos in metu contineret: & afflictis tum rebus Christianis in Oriente, aliquatenus, subueniret, (cum omnes per Europam sparsi *Thomas Bosius Topo- mo 2. de E- quit: Melit.* Militares ordines, laudabili tum consuetudine, Rhodien- sibus Equitibus, qui cum barbaris assidue, vt in vicinia, præliabantur, collectas subsidio pecunias mittebant.) Ea tamen conditione & lege, vt postquam primum territorium aut urbem aliquam in hostili solo virtute sua nacti fuerint, & in ea sibi mansionem firmauerint, distric- tum Michalouienssem Conrado Duci statim, tanquam legitimo proprietario restituerent. Cæterum inpinguati illi frugibus nostris, extemplò benefactori suo recalcitra- runt: & non contenti Prouinciam Michalouienssem non restituisse. Dobrinensem insuper terram ei ademerunt, moxque aucti viribus è Germania vicinum Regibus Po- loniæ, Pomeraniæ tractum auellere ausi: vrbesque illas quas in Prussia eis & vltra Vistulam sitas antiquitus possidebant, per summum scelus eripere conati sunt. Atque hinc bellum inter Crucigeros & gentem Polonam, quod multas deinde ætates durauit, Religiosis in Cuiuiam at- que ipsam demum Poloniam arma inferentibus. Igitur castigati toties, & cladibus interdum ingentibus affecti, vt professione & habitu pietatem præseferabant, ita apud Principes Christianos passim fauores nanciscebantur: autem hoc vnum agebant, vt non Prusiæ modò ac Po- meraniæ possessione Polonos excluderent, verum vni- uersa etiam Sarmatia potirentur. Cumque subditis ni- mium graues essent, & in rerum omnium copia, limites

honestatis & religionis excederent, prouinciales die constituta, eiectis præsidijs eorum, ad instar Vesperarum Siciliae, ad Cazimirum Iagellonidem tanquam ad legitimum Dominum postliminio redierunt. Reliquum filius eius Sigismundus I, armis ademit, cum Luterana impietate infecti, arma in eum suasu Maximiliani I. Imp. mouissent; qui Moschis foedere iunctus quærebat, quomodo Polonos opprimere potuisset. Fracti itaque Mariani bello, ad preces & clementiam Sigismundi versi; & Albertus Brandeburgensis eorum Magister, quod ex sorore Sigismundi prognatus esset, nec haberet dignam suam fortuna possessionem, partem Prussiae ab Auunculo iure Foederis & titulum Ducis impetrauit. Non itaque adempta vobis Germani Prussiae prouincia, sed ab iniustis possessoribus vindicata velut membrum ad suum corpus, Regnum Poloniae redijt: non erepta viris Religiosis, sed ab ingratis beneficiarijs, & ab Ecclesia Catholica transfugis Apostatis recuperata; non violata foedera & pacta vetustissima cum Imperio, sed toties illata iniuria à turbulentis & inquietis hominibus bello propulsata, & prouincia vsucapionis ab antiquo nostra, Regno restituta & incorporata. Simili ferè successu, & in Liuania iuri vestro nihil quidquam derogauimus, sed post tot bella, totq; motus, quibus haud impunè gentem nostram lacerasti, ad extremum supplices in tutelam Liuitones recepimus, cum fidei Catholicae boni illi religiosi desertores facti à Moscho, Dano atque Sueco armis opprimerentur. Hi in Germania ob ciuiles tumultus nullam protectionem inuenientes, ad Regem Augustum, Sigismundi F. suasu Caroli V. vltro confugerunt, & insignia Ordinis, Crucem nimirum & sigillum, Vilnam venientes de-

res deposuerunt, Anno reparatæ salutis 1559. Quos
Rex in gratiam & tutelam receptos, metu hostium libe-
rauit. Magistrumq; eorum Gottardum Kerlerum, Cur-
landiæ & Semigalliæ Ducem, patris sui exemplo, appel-
lauit, Liuioniam verò in formã prouinciæ redegit, adq; li-
bertatē & immunitates nostras, incolas eius admisit. Quā
deinde Fatis Augusto Rege sublato, ingenti cum exercitu
Moschus inuaserat, Estoniamq; ferè totā & arcēs Liuo-
niæ plurimas per vim occupauerat, rusticis ipsis se potis-
simū ducibus ad inuadendas nobiliū domos hosti præ-
bētib; sed fractus à Stephano Rege tota eius possessione
cessit, & multa etiam de suo amisit. Nostraq; ætate Se-
renissimus Rex Sigismundus Tertius, Carolum Suder-
manum Patruum suum, feliciter inde eiecit, Gustauumq;
modò, dolum paternum æmulantem armis reprimi, &
quidquid sub Sarmatico sceptro componitur fortissimè
tuetur. Quin & Maximilianum Archiducē eam ob cau-
sam, per Ioannem Zamoscium, à Regni possessione re-
pulit, quod non fuerit omnium Ordinum concordibus
suffragijs electus, sed paucorum tantum modò procerum
votis, Austriacæ domui addictorum. Verum & hic fidem
constantiamq; nostram aduertite; quod ex illis, qui cum
ad regni coronam vocauerant, plurimi maluerint in
Germania vestra exulare, quam semel obstrictam Au-
striacæ domui fidem infringere, atque ad suas posses-
siones in patriam redire; licet optimum & clementissimum
Regē habeamus, & qui publico Senatus decreto omni-
bus Augustissimæ illi prosapix adhærentibus ignouisset,
priusquam ipse affinitatem cum ea contraxisset. Ergo
Regem habemus Auditores, optimum, clementissimum,
felicissimum, votis ciuium, ob virtutem, non aliqua iu-
ra sue-

Andr: Vo-
lanus Livo-
niens: de li-
bertate Po-
litica.

74
ra successionis electum: non verò statum popularem seu Oligarchiam, qualem ineptè nobis aduersarij nostri obijciunt, & meras calumniando blaterant nugas. Sed quia in vnaquaque Rep. frustra essent leges, nisi essent qui eas exequerentur ideo omnibus seculis in vnaquaque ciuium societate diligenter semper fuit quaesitum, quibus potissimum Reip. gubernacula & custodia ac potestas legum exequendarum essent committenda. Et cum alij aliam gubernandæ Reip. rationem instituerent, nostra Polonia omnes tres simul Rerump. species à Philosopho descriptas, certa quadam omnium moderatione adhibita, inuicem permixtas habet. Quarum etsi vnaquaque in suo persistens status, & non in contrarium degenerans vicium, plurimum boni & cominodi suis afferat ciuibz: tamen prisco seculo, & apud Romanos, & apud Græcos solus popularis status præ cæteris fuit approbatus, Regia autem potestas tanquam libertatis communis inimica omnino fuit inuisa. Nec verò quasi administratio Regia per se sit iniqua, ideo alieno ab ea illi fuerunt animo, sed quia vel sola illo tempore, vt testatur Iustinus, arbitria Regum pro legibus erant: vel si quæ essent leges, ex libidine potius Regum, quàm commodo ciuium essent institutæ: propterea cum ad nutum & voluntatem vnius principis gererentur omnia, solusque ipse sibi gereret imperium, oblitus utilitatis publicæ, non nisi cum certa seruitute & oppressione ciuium, talis coniuncta erat administratio. Ea propter gubernatio patriæ nostræ, ita ex omnibus optimis Reipub. formis composita est, vt leges non pro arbitrio Regis, sed pro utilitate publica, ipsi ciues condamus nobis: quarum custodiam patres conscripti tenent, executionem verò Princeps, atque

atque eius administri. Tantaq; affinitas est inter legem
& Regem, vt nihil aliud Regem agnoscamus esse, quam
legem loquentem; vt quam lex in chartis aut tabulis cō-
tinet honesti sententiam, eam Rex ore & voce prom-
ptam habeat. Cuius potestatem ita popularem esse ma-
iores nostri voluerunt, vt maxima ac suprema habere-
tur; & ita primaria existeret, vt obseruationi non formi-
dini, admirationi non terrori, verecundiæ non obrecta-
tioni esset, Ipsumq; ius regis potentiaæ adeò sacrum,
adeoq; sanctum, vt quemadmodum ipsorum regum
personas à maleficio atq; insolentia vulgi tutas constituif-
sent, ita ne illis quidem liceret in vllum noxiorum ciui-
um, quopiam supplicij genere sine consilio Senatus ani-
maduertere, aut per suos satellites captiuare, nisi prius
iure victum. Vt autem Regis maiestati vindices liberta-
tis Senatores, sic deinde Senatorum authoritati opposi-
tum Legatorum municipalium collegium, vt olim Tri-
bunos Romanis Consulibus, nunc in Comitijis nostris
adhibemus, vt post serias disceptationes singulorum, re-
lata ad se consilia Rex, executioni mandaret tantum,
non præciperet: communib; q; omnium plus obsecun-
daret commodis, quam seruitutis imponeret iugum. Ac
proinde cum non regnare, sed regere populos iussi-
mus, quorum magni animi, nimiumq; libertate tumen-
tes, nequaquam dura imperia pati possunt. Neq; alia
ingentior nobis cura, quam ne quid de ijs prærogatiuis
decedat, quas tam à multis ætatibus intemeratas habe-
mus. Sic igitur Regi nostro in omnes est, sed certa & ca-
stigata potentia. Nam & lege Agraria tenetur, qua publi-
cos agros alienare prohibetur sine Ordinum consensu:
& monetam sine publici consilij autoritate eudere aut

E

mutare

Fr. Hotom.
in Francor.
G. 6. 25.
Bod. M. H.
c. 6. & de
Reg. l. c. 4.
Aymonius
Monachus
lr. 4. c. 116
117.
Comineus
l. 10. & Bu
leuger de
Vetig. R.
P. c. 18.

mutare nullatenus potest : prout nec vectigalia prouin-
cijs imponere, nec uxorem ducere, nec bella vicinis im-
dicere, aut fœdera sancire cum eis. Si enim ista hæredi-
tate capientibus sceptrum facere nō licet, Anglo nimirum,
Gallo, Hispano, Sueco, quid licere debet suffragijs ci-
uium electo : qui non ut condit leges, venit, sed ut legi-
bus præsit, & eis ipse pareat. Non facit : moneatur à Se-
nato : contemnit, ciuium precibus cogitur : qui pruden-
tissimè tranquillitati regni sui, & communi libertati pro-
spexerunt, certisq; legum cancellis Principem suum
circumscripserunt, ut nihil ille in ciuium capita moliri, ni-
hil in fortunas tentare audeat, nisi quod lex ipsa, & ciuiū
omnium, & Regis domina suaserit aut mandauerit. Hinc
que est, quod alibi mixti ciuium animi semperque pen-
dentes sunt, inter gloriosæ libertatis cupiditatem, & Prin-
cipis grauem potentiam, apud nos perpetuò securi, quod
neque Rex in subditos quidquam potest, legibus vti di-
xi circumscriptus, neq; subditi metuere, freno impotenti
eius libidini imposito : ita tamen, ne sub regij nominis ve-
lamento splendidam seruiret seruitutem, quod aduersarij
exprobrant statum patriæ nostræ ignorantes. Qui pro-
pterea dicunt nos externum Principem ad Regnum vo-
care solere, quod è suis nemo tantum seruitutis onus su-
bire velit, nisi fortè ignarus, & qualem à longe petere o-
portet ; tum quod inter nos nullus ita generosus nascatur,
ut dignus censeatur esse imperio. Vtrumque ut dixi ma-
lè concoctum ab inuidis, neque enim Rex apud nos ser-
ui, sed rectoris summi officio fungitur, neq; nos ita de-
generes sumus, ut regio muneri impares simus, cum sin-
gulis ferè nobilibus altæ & ad Rerumpub. gubernationē
validæ nascantur mentes, adque omnem fortunam ido-
neæ,

nex. Sed quod certè omnes pari libertate viuamus, nec
 sinamus vnum eminere supra alios, nisi vniuersorum suf-
 fragijs assumptum, & virtute præstantiorem: siue ille no-
 stri sanguinis sit, vt incipiens à Lecho vsque ad Ludoui-
 cum Regem omnes Principes fuerunt: siue externi. vt
 Ludouicus, Iagello, Henricus, Stephanus, & Serenissi-
 mus Rex noster modernus Sigismundus Tertius, quem
 ob sanguinis propinquitatem in Regem assumpsimus, nõ
 ob iura sanguinis. Nam etsi filios interdum vti diximus,
 à solio paterno non excludimus, suffragijs tamen liberis
 electum sublimamus, non hæreditate obtrusum: quod
 successionis prærogatiua nimirum læpissime ineptum da-
 re soleat. Atqui inter regna, dices cum Lansio, ita frequenter
 Poloniam vestram exhaustam & exanguem effecerant, vt nullus
 apud vos vel rogatus regnare voluerit. Et Vladislao ad Varnam
 occiso rix reperiri potuerit qui regnum illud suscipere vellet.
 Similiterq; Augustus fati fundito Henricus qui successerat, con-
 ciliatoribus regni Polonici, Ioanni Monlucio Valentia Epi-
 copo, & Francisco Noalto Episcopo Aquisi, non modo gratiam
 non rependit regno Gallia potius, sed ad mortem vsque vehe-
 mentissimè irascebatur. Eui q; Aulici Poloniam barbariei ac
 miseriarum propriam sedem, perpetuumq; domicilium nuncu-
 pabant, deidentes legatos Polonorum, qui decretum electionis
 in Galliam attulerant, quod cautionem à nouo Rege effagita-
 rent, ne prædia aut bona in Regno Polonia suis Gallis attribue-
 ret, cum ex illorum numero, nemo tam abiecta sortis esset, vt
 Magnus Dux Lituanie esse optaret. Ohominum insaniã! ô
 leuitatem ingentem! non posse repperiri hominem qui
 Regnum Polonia acciperet? irasci ei qui illud concilia-
 ret? Nequaquam Auditores, nequaquam, Regnum enim
 cui nescio quam pauperrimum, ita tamen Deorum ho-

Thomas
 Lansius Or-
 ratione con-
 tra Polono-

minumque iudicio res pulcherrima censetur, ut eius causa omnia iura violenda esse putent. Quid verò nostrum Sarmaticum, opulentissimum, populosissimum, & quod ultra quindecim myriades nobilium Equitum alit: & quod à multis potentissimisque Principibus, etiam ab ipsis Imperatoribus Romanis toties expetitur fuit? Quod, si ab effœminataram gentium Dynastis non ambiebatur, quid mirum? siquidem tales luxuriæ, otio, & inertie dediti, non audent aciem fortissimorum populorum intueri, non aspirant ad clauum, ubi bellorum tempestatem vident, præsertim cum sentiant anteaactam vitam suam subijci oportere tempore electionis, prudenti censorum trutinæ. Qui tamen æternitatem meditantur, & famam futuram inspicunt gloriosum putant bellicosissimis populis præesse, varijsque nituntur modis, quo possint Sarmatici Imperij habenas, forti dextera regere. Atque sic Principes potentissimos quouis interregni tempore, plurimos competitors habuimus, & quo nullum certè aliud electum Regnum. Post occisum verò à Turcis Vladislaum Iagello-nidem, immortalis gloria dignissimum Regem, ideo nulli extranei Candidati fuerunt, quod frater suus Cazimirus, Ducis Lituanie titulo à Vladislao ipso auctus, Regnum Polonix in eius absentia administraret, omniumque ciuium calculis, ut primum Fatum Regis innotuit, ad regnum expetitus esset. Filijque eius deinde sceptris potiti, non tantum nobis Sarmatis regnarunt, sed & Boëmis, & Hungaris, & alijs fortissimis populis. Post obitum verò Sigismundi Augusti nepotis eius, & Imperator Maximilianus Secundus, & eius filius Ernestus, & Alphonsus Dux Ferrariæ, & Basilus Tyrannus Moscouiæ, & Ioannes Rex Sueciæ, & alij excellentissimi Satrapæ, regnum Poloniæ ingeni-

ingentibus pollicitationibus ambigebant, quibus nequa-
 quam ita vile videbatur, vt Aulicis Henrici Tertij, quini-
 mō nec ipsi Henrico, qui omnes suas possessiones, o-
 mnesq; prouentus Andegauensis Dominij in vsum & v-
 tilitatem Regni Polōnici offerebat, modō sceptris eius
 potiri potuisset, & virtutem suam contra barbaras gentes
 bella gerendo, Orbi monstrare valuisset. Et audent Au-
 lici eius apud Lanſium adeō vanē se iactare, vt nūllus
 voluerit Ducatum Lithuanix accipere? Profectō non
 pro Aulicis tam opulentus Principatus, & quem Magni
 Reges exoptarūt / vtpote cuius latitudo sexaginta, longi-
 tudo verō octuaginta millia Germanica continet: &
 qui sexaginta equitum, triginta & amplius millia pedi-
 tum, in hostem eouocare poterit: idq; sine vllis stipendijs
 sui Principis. Reuera non habebant gustum istarum re-
 rum Galli: neq; credo Henricus ipse sciebat, quid in tam
 amplo & nobili regno possidebat: alias enim inconsulto
 Senatu in Gallias non abiisset, nec auctus paterno re-
 gno, suos Sarmatas neglexisset, quorum robora, opes,
 arma, & animos inuictos tantopere admirabarur. Sed ef-
 fecerunt adulatores Aulici, vt & inglorius viueret, &
 mortem oppereret sua fortuna indignam. Quare nec
 Monlucio atque Noaho, regni Polōnici conciliatoribus
 irascebarur, sed vt Thuanus inquit reuercebatur viros &
 pudebat, quod tam nobile regnum, eorum industria ac-
 quisitum, sua inconstantia perdidisset. At, inquires, non
 erat quod paeniteret, gentem enim barbaram, ferocem, paupe-
 rem, eamq; arrogantem reliquit, quæ nec mores cultiores habet: tra Poloniã
 or nec lauitias aut eleantias intelligat, sed quæ in tugurijs tan-
 tum stabuletur, in huius habuer, linguam barbaram habeat: for-
 didum habitum deſerat, & de quibus verissime eiusdem Hen-
 ricus ill.

rici III. quidam Aulicus idiomate Gallico scripserit, se nunquam vidisse regionem aequè miseram, nuspiam tot nobiles pauperes, agrestes, efferos, & tamen arrogantia ita barbarè ferocientes, ut omnes alias nationes dedignentur: quod nisi quis praesens Polonoꝝ consuetudine familiariter fuit usus, & ab ipsa experientia hauserit fidem, videretur incredibile esse. Profectò incredibile Auditores, quòd prudens, & tam magni Regis Aulicus talia de nobis prodiderit, nisi forte ganeo quispiam, aut Iurco popinarum Parisiensium, qui se per Ironiam (ut gens illa facetias & ludicra amat) Regium aulicum appellauerit: quem admodum etiam apud nos similitum socorum elegantisq; dicacitatis author Ianuarius Souisrallius, Generalè se esse dicebat; non exercituum sanè, neq; Praefectorum Reipub. sed mortuorum, apparitorum, & circulatorum omnium. Sic, quum Henricus Rex ob leuitatem quandam, tam amplum tamque nobile Regnum amississet, adulatores Aulici, quo tacti dedecus eleuarent, scriptis varijs extenuabant cœli Sarmatici dotes, monstrantes Henricum rem friuolam, & parui momenti perdidisse: quod adhuc Lansius scripti illius (si dijs placet) Gallici interpres eo magis extenuat,

Lans. Oras aiens. Poloniam ita rem futilem & nihili esse, ut qui author
tione contra eam scriptu suu celebraret, faceret hoc velut illi qui ingenij o-
Poloniam. stentandi, A sinum, lutum, passerem, lehem, aut aliquam ali-
am rem friuolam iuu orationibus celeb ant. Ita enim natura
fit, Auditores, ut qui oculis Strabi sunt, omnia quæquæ
vident, curua esse cernunt: sic qui affectu in alios inarde-
scunt, siue irascibili, siue concupiscibili, aut laudant sin-
gula in eis, aut vituperant prorsus. Germani quoque
naturali antipatia quadam, male affecti nobis, etiam proba
nonnulla dignaque omni prædicatione encomiorum
in Po.

In Polonia vident, vituperant nihilominus omnia: quæque alij populi vel per iocum scribunt, aut loquuntur de Sarmatis, illi, de veteribus quoque barbaris asserta, de nobis scripta pro certo adfirmant, hodieq; agrestes illos mores & ritus gentiles inter Polonos durare dicunt. Atque ita humanitatem illam qua Gallos cum Henrico venientes excepimus, illas opes quas in eius aduentum effudimus, illos exercitus, quos intranti regnum præsentauimus, illos triumphos, illos arcus, quos fecimus capienti coronam, quos orbis mirabatur, quos posteritas deprædicat, & quos externi quoque scriptores pluri mi calamo celebrarunt: hoc isti vnico verbo barbariem, ferociam & egestatem appellarunt: velut vulpes illa Æsopica farcimen suillum ex altiori casæ rusticæ fenestra appensum, cum saltu iterato assequi nequiuisset, funiculum pendere dixit. Quamuis enim artes nullas habeamus nos, quæ animos viriles effœminare possint, ad humanæ tamen consuetudinis culturam natura faciles sumus: præcipuè Nobilitas ipsa, quibus animus ad excipiendos peregrinos sponte factus. Et famam illius comitatus cum honesto ambitu quærimus, vt neminem possit peregrinationis Sarmaticæ pœnitere, nisi auersis incultisq; moribus in barbariem natum, aut indignum, qui nobilium consortio misceatur. Inter multas siquidem easque insignes gentis nostræ virtutes, magna in primis summæ cuiusdam humanitatis & hospitalitatis habetur commendatio. Nullamq; ferè aliam nationem perinde singulari beneuolentia in omnes bonos propendentem, & omnia singularis amicitia officia, exteris etiam, non tantum ciuibz suis communicantem videas, atque gens nostra est. Licetq; regiones nostras magno etiam comitatu quam minimo

Vide librum
Italicum de
Coronatione
Henrici,
Brixie editum.

minimo sumptū & impensa peragrarē, hominibus nostris benignē hospites ad se inuitantibus, & vtrō omnia ad lauiorem etiam victum sine vlla mercede suppeditantibus. Non loquor de diuersorij publicis, quæ non sunt ita magnificē aut commodē vt alibi extracta, sed in quibus tamen iustiore precio quam in reliquis sit nationibus omnia præbentur hospiti. Sed nobilium & agricolarum etiam domus, adeo omnibus sunt expositæ, adeo in omnia hospitalitatis iura propensæ, vt tenacitatis aliquam suspensionem præbere, & non largē ac affatim cuncta suppeditare hospiti, maximi cuiusdam criminis reputetur loco. Iam verò quanta sit affabilitas, quanta inter omnes comitas, quam prompta omnium officiorum communicatio, recensere non attinet, cum ea quotidianis cognoscantur exprimentis, Europaq; adeo vniuersa admiretur, quod delicates etiam populi ad nos commeant, & nostra lenitate perfruantur: passimq; inuenias in toto regno Italos, Gallos, Batauos, Scotos, Anglos, Armenos atq; Græcos, qui patrio solo relicto, sedem sibi apud nos fixerunt. Sed maximē Germani, qui nos tantopere execrantur: nec urbem aut oppidum in tota Polonia inuenias, vbi non habitent illius gentis homines. Certē non quāpiam alia re allecti, nisi opulentia & comitate nostra, qui eos vrbicæ plebi facilē adscribimus, omnibusq; prærogatiuis & libertatibus frui permittimus, quibus & nostri incolæ gaudent. Nec dedignantur illi habitum nostrum, quem tantopere deridet Lansius, fortasse non visum, aut nec auditum, quod veteres Romani eo vterentur, & quicunque alij principatum in orbe tenuerunt, Græci, Parthi, Macedones, Persæ, & qui per totum Orientem, & meridiem etiamnum sparsi degunt:

paucis

paucis Occidentalibus qui brachati incedebant, exceptis. Quod verò de habitu dictum est, Auditores, idem ferè & de ædificiorum structura sentiendum est, quod & Oriens vniuersus ferè, & Septentrio, & Meridies, parum sumptuosè ædificent. Ita enim natura, prouida omnium parens effecit, vt vbi lapidis ad fabricandum copia desit, ibi sylvarum densitas materiem suppeditet. Ædificamus igitur è trabibus, non ad necessitatem tantum, verum & ad splendorem atque admirationem extraneorum. Vbi verò lapidis & cimenti copia habetur, ad præscriptum architectonicæ fabricamus. Habetq; Rex noster, & optimates plurimi, palatia murata, quæ Italarum etiam structuras exæquant. Sed nec in Germania passim superba marmora conspiciuntur, qui nos Salyrorum more in syluis degi adfirmant, nec Angli certè aut Sueci sumptuosa ædificia habent, prout & Turcæ, Moschi, Persæ, Æthiopes aliæq; infinite Orientis & Occidentis solis habitatores. Horum consuetudine & Samogitæ nostri ac Lithuani, nolunt magnificis ædibus studere, præsertim vbi materia ad fabricandum trans mare petenda esset, sufficit ab iniurijs cæli esse tutos, cum nihilominus tamen plurimas domus latericias, & arces habeant splendidissimas.

At hic inopiam nobis atque egestatem obijciunt, quam iniquiunt Nobiles Poloniæ fucis titulorum & inutili satellicio velant, non vera ac solida virtute exornant: cum & solum sterile habeant, & sylvas instructiferas, & cælum adeò frigidum, vt arbores etiam brumæ tempore arecant, & flumina sic congelentur vt integros exercitus, cum machinis quoque & impedimentis bellicis glacies sustineat; nec possunt rebus ad gloriam parandam destituti, facile è tenebris barbarici emergere, atque

Thom. Lan-
sius in Ora-
tione cōtra
Poloniam.

inclarescere inter gentes, Hæc Lansius & alij, sed quam absurdè, videte. Quis enim pauper ingentem comitatum fouere potest? quis ipse egens satellicio ad pompam utetur? quis titulis apud Regem suum gloriabitur, cum ille omnium subditorum suorum stirpes, merita, & fortunas probè ipse nouerit? quis eiusmodi virum ignobilem aut inopem dicet, qui integris cohortibus militum septus, Regi & patriæ suæ præsto semper est? quomodo transmarinis ingentem frumentorum vim diuendet, cum ipse domi suæ egeat? Profectò Auditores, qui ipsi sibi contraria adferunt tales teste Philosopho mendaces oportet esse. Ita qui nobis pauperiæ, fastum titulorum & Satellicij multitudinem exprobrant, ipsi verò ne fame intereant, aut commeatus à nobis multa pecunia parant, aut patrio solo relicto apud nos sedem ipsi figunt, aut bellorum difficultate ingruente, subsidia à nobis petunt, tales à veritate alienissimos esse credendum est. Quis enim quæso tam vecors erit, vt Patriam nostrā septuaginta prouincijs constantē, Maiori nimirum & Minori Polonia, Alba & Rubra Russia, Pocucia, Volhynia, Podolia, Vkraina, Lithuania, Liuania, Samogitia, Podlachia, Masouia, Cuiavia, Cassubia, Prussia & Pomerania, quarum singulæ in tot opulentissimos districtus diuiduntur, rem friuolam, futilem, & vmbraæ asini simillimam dicat? quis inopem censebit, quæ metallorum varietate, frugum abundantia, fructuum bonitate, armentorumq; gregibus innumeris referta est? quis domi egere putabit, quæ non vicinis modò populis alimenta subministrat, sed ad vltimos vsque Iberos merces suas transmittit: & paucos ferè ante annos Italiā quoque fame subleuauit? quid dicā de Germanis, Batauis atque An-

*Boterius Re-
latione de
Polonia.*

que Anglis, ad quos assidue tritici, siliginis, hordei, aue-
næ, milij, canabis, lini, seu, alutæ, vitrioli, nitri, mellis,
picis, ceræ, resinæ, lupuli, plumbi, æris, ferri, coriorum,
succini, lazurij, orichalci, boumq; & equorum vim penè
infinitam emittit, vt hic cinerem & coceum tingendæ
purpure aliosque inæstimabiles Reni Sarmatici thesau-
ros omittam: tum ligna vasibus parandis necessaria, vt
asseret, malos, cæteramque materiem fabricæ aptam.
Quarum equidem mercium non Austria modo, Silesia
aut Noricum vim ingentem habet, sed omnia penitus
celebriora Septentrionis & Occidentis emporia referta
sunt. Ob quarum ego rerum copiam, hominumq; no-
stratum excellentiam, non antefero omnibus Europæ
prouincijs Poloniam, cum nullus adhuc extiterit popu-
lus in Orbe, cuius virtutes nullo vitiorum confinio læde-
rentur: nullaq; telus adeo rerum omnium ferax reperia-
tur, vt non indigeat rebus aliunde importatis. Hoc ta-
men candidè affirmo, ita commodè Poloniam nostram
rebus omnibus necessarijs ad viuendum, & tuendam
dignitatem suam abundare, vt præter vinum. (vua tamen
ad comedendum non caremus) sericum, atque aromata,
nulla alia re ab exteris importata habeat opus. Quod e-
nim olim in producendo frumento principatum tenuit
Bœotia, deinde Sicilia, mox Africa, & tandem Græcia
atque Hungaria, hoc nuper sola, idq; multo maiore co-
pia, præstat Podolia; cuius ager vndique est benignus,
lætus, copiosus, ad segetes aliaq; omnia proferenda su-
pra modum ad commodus, Quid verò Volhynia prodi-
gè ferax? Quid Russia? quæ non à bobus tantum suam
commendationem promeruit, quos per totam Europam
mitteit, sed equis etiam generosissimis, & ouium gregi-

bus est nobilis, itemq; piscium ac volucrum copia per-
 celebris: & quicquid animalium venatio, piscatio, & au-
 cupium desiderant. Tacco reliquas prouincias regni,
 quarum vbertas innumeris petet argumentis. Tacco
 sylvarum utilitatem, quas exteri damnant in Lituania, cum
 & necessitatem illarum ad frigus arcendum, & pretiosas
 inde pelles penitus ignorent: vbi itidem ac in Polonia
 omni prouentu felix solum vberrimas segetes alit, pa-
 scuorumq; ingentium fidem exteris gentibus facit, ve-
 nalibus per vltra marinas prouincias armētis & suillis car-
 nibus. Similiter vicina Samogitia, olim quoque syluis
 & incolis fera, nunc oppidis passim insignis: nemoribus
 enim quibus immensis tegebatur, ad vsum decusq;
 castigatis, frumenta producit. Tacco flumina nauigabi-
 lia, pisciola & amœna, & quæ viridissimo riparum vesti-
 tu pinguibus aruis Poloniam interfluunt. Quin & oram
 maritimam silentio transeo, quæ pluribus introrsum æ-
 stuarijs ad omnium rerum copiam inuehendam euehen-
 damq; facili patet in Prussia, Liuania, Curlandia, Samo-
 gitia & Pomerania accessu: in quibus sanè prouincijs, vt
 & in reliqua Polonia, ingentem volucrum & ferarum
 vim ad aucupium & venatum, paludes, luci, saltusq; sup-
 peditant. Quarum equidem rerum, non vsquequaque
 reliqui Europæ populi copiam habent. Cum & in Hi-
 spania passim solitudines esse sciam, magnamq; versus
 Piraneos montes in toto regno armentorum, pabulo-
 rum, herbarum, lignorum, & aliarum rerum necessari-
 arum inopiā Et in Italia plurimi pagi deserti ac desolati,
 passimq; montes petrei & infrugiferi: maximè circa Flo-
 rentiam, Genuam & Vercellas. Sed & circa urbem or-
 bis Romam plures, armentorum greges, quàm homines
 conspi-

Boterus Rel
 de Hiss.
 Lansius cō.
 tra Hiss.
 Ital.

conspiciuntur, quasi ouibus & bobus veteres illi orbis
 domitores cesserint. Et Anglia plures poscit, quam ha-
 bet colonos, præcipuè Norhumbriæ asperum & pessim-
 um solum. Portlandia autem adeò syluis est indiga, vt
 incolæ ad ignem alendum fimo bubulo sole exsiccat
 vtantur. Et in Germania nimium Heluetia sterilis: Hassia
 infœcundis montibus deformis: Marchia Brandebur-
 gensis & Vestphalia arena & paludibus sunt inhonoratæ:
 Styria, Carinthia & Norimbergenses egestate laborant;
 Silesij verò absque frugibus & carnibus è Polonia com-
 paratis nequaquam viuere possunt. Quid igitur mirum,
 si proceres nostri plures satellites alant, cum omnium
 rerum ad victum spectantium copia infinita abundant,
 & fortissimæ genti multum cibum de autum ferarumq;
 alimentorum etiam & gregum frequentia natura para-
 uit. Siquidem & egeni Hispani plures seruos habere so-
 leant, quos fame tantummodo splendide emacerant,
 non verò cibo conuenienti sustentant. Nostri autem
 omni affluentia felices, non ad orium aut pompam ser-
 uorum caudas ingentes trahunt. sed vt præsto sint, cum
 quibus inopinatis barbarorum irruptionibus occurrant,
 seque murum in patentibus illis Podoliæ campis oppo-
 nant: maximè quibus in confinio Scytharum, Dacorum
 atque Moscorum possessiones suas habere contigit, &
 quibus animus cupidine laudis ardet, impatiens cõrume-
 liarum. Et quamuis non æquè omnes sumus diuites, om-
 nes attamen pari libertate gaudemus, & satellites non ad
 præscriptum, sed ad libitum fouemus, titulosq; æquales
 omnes habemus, & communi vocabulo Nobiles seu
 Equites nuncupamur. Exceptis qui Senatoria prætexta,
 aut officijs Magistratibusq; prouinciarum eminent: præ-

P. Math.
 in Diss. fun.
 H. IV. Gal.
 Regis.
 Cam. in Br.
 Duretrig.
 pag. 154.
 Lantius con-
 tra Germa-
 nima

Vide Equitē
 Polonum ad
 Urban. VIII

ter publica autem munia, nullus sibi titulos nouos, aut
dignationes fingere potest; nisi fortè quis apud externos
Principes virtute sibi nouos honores pepererit, aut de
stirpe veterum Lituaniæ aut Rutiæ Principum origi-
nem traxerit, vt sunt Duces Ostrogij, Zbarauij, Vismio-
uicij, Czartoriscij, Sanguiscones, alijque plurimi, genus
suum à Iagellonis Regis fratribus germanis nouem, octo
verò patruelibus, per lineam ducentes. E quorum vno
stirpem suam ducunt illi quoque Duces Gedrucenses,
quos Lansius, in sua contra Poloniã Oratione, pro exem-
plo ponit, & pauperrimos nuncupat. qui nihilominus
Samogitiæ nobiles sunt illustres, & iisdem legibus atque
prærogatiuis, quibus & vniuersa Poloniæ Nobilitas vti-
tur, gaudet: strenuique semper in bellis milites & tur-
marum præfati fuerunt. Vnus etiam ex illis Michæl no-
mine, ante annos circiter centum quinquaginta, Diui Au-
gustini Regulam professus, sanctitatis opinione celebris
Cracouiæ in templo S. Marci, in hodiernum vsque, Deo
sic disponente, miraculis claret. Eiusque instituti Fratres,
hac nostra ætate, alius ex eadem illustri familia vir prædi-
ues, in Samogitiam euocauit, opimisque possessionibus
ditatos, Præpositum eorum iussu Pontificis Maximi Pauli
Quinti, insula & pedo pastoralis cohonestauit. Hi igitur
quia de stirpe Magnorum Ducum Lituaniæ descendunt,
capropter insignibus Ducatus Lituaniæ, tanquam pro-
prijs & gentilicij vtuntur, quamuis respectu veteris For-
tunæ, pauperes nunc censeantur esse. Iagello enim natu
maximus iure antiquo & consuetudine omnium Princi-
pum ad imperium euectus, data cuiuslibet ex fratribus ho-
nesta & sufficienti ad sustentandum portione, omnes ipse
provincias sub regimen accepit: illi verò successu tempo-
ris filijs

ris filijs ac nepotibus auſti, dum ſinguli viritim & in ca-
 pita diuidunt conceſſas ſibi poſſeſſiones, tandem ad pau-
 pertatem deuenerunt, ſunt que exæquati reliquis Equiti-
 bus. Sic fit in Hiſpania, Gallia, & Anglia. Sic in Germa-
 nia Saxonie, Bauarie, Cluię, & Brunſuici Duces, faci-
 unt, in Italia, Parmenſes, Modinenſes, Mantuani, & Flo-
 rentini Principes, quibus mos eſt vnum præficere Do-
 minio, reliquis verò fratribus, neceſſaria tantum ad hone-
 ſtè viuendum ſubminiſtrantur: qui licet in plurimos ne-
 potes excreſcunt, Ducum nihilominus titulos ſibi ob ge-
 neris præſtantiam uſurpant. Quinimo alij ultra ſortem &
 conditionem ſuam, titulos ſibi vendicant. Et Scoti ferè
 omnes, qui per Europam vagantur deuoratis patrimonijs,
 ab obuijs ſtipem emendicare non erubeſcunt, & ſe regia
 ſtirpe prognatos eſſe dicunt. Omnes Galli familias ſuas
 cum regio ſtemmate conglutinant. Omnes Itali Comi-
 tes ſeſe & Marchiones, ſine Comitatu & Marchionatu,
 nuncupant Omnes Germani, Imperij Principes, Equites
 Aurati, & Liberi Barones appellari volunt, inq; titulis o-
 mnium villarum & pagorum quos poſſident nomina &
 cognomina præſcribi amant. In Luſitania quoque, o-
 mnes volunt dici & haberi nobiles: magniq; probri in-
 ſtar eſt, aliquam profiteri artem. Caſtiliani denique omni-
 bus ferè Europæis populis, ad ceremoniarum pompam,
 & longos titulorum tractus fuerunt duces: ſinguli que
 nunc extra patriam Aurei velleris Comites ſe eſſe di-
 cunt, & Grandes appellari volunt. Atque ſic medius
 fidius Occidentales omnes, nobilitatem ſuam, ſucis tan-
 tummodò titulorum incruſtant, & ſe equites paſſim, ſine
 equo & calcaribus vocitant, nobis verò Sarmatis iuſtos
 atque meritos honores exprobrant, qui nobilitatem
 noſtram,

Munſter Co
 ſmo. l. 2.
 c. 9. & 15.

Mer. Coſm.
 p. 2. li. 2.
 cap. 8.

noſtram, illuſtribus factis veriùs, quam glorioſis appella-
tionibus oſtendere nitimur: & in Ordinem Equeſtrem,
non pecunia, cenſu, aut Principis favore tranſimus, ſed
generalibus Regni Comitijſ, virtutem vniuſcujuſq; ad-
probantibus. Et ſanè fuit hoc priſcis illis temporibus in
potestate cuiuſvis ſitum, vt per virtutem quicunque vel-
let, ianuam poſteritati ſuæ ad claritatem nominis con-
ciliandam aperire poſſet, licet extraneus fuerit & gentis
alienæ. Nunc tamen animaduerſum, pariter in pa-
triotas, ac in alienigenas: vt non niſi omnium Ordinum
Regni arbitrio in album nobilitatis noſtræ inſcribere-
tur, quicunque præclaris animi dotibus & inſigni ali-
qua virtute nomen ſuum illuſtre reddiderit. Atque ſic
paulò ſuperiore ætate, Suſcius, Bielſcius, atque Andreas
Iaroſſauius Moſchorum Dynaſtæ: proximiorè verò
Hieremias Daciæ Princeps, Corniaſtus Nobilis Creten-
ſis, & Bathoræus Stephani Regis nepos: atque nuper-
rimè Butlerus Irlandus, Germanicæ legionis bello Pruſ-
ſico Præfeſtus, & Bernarcius, Moldauiæ Palatinus, omni-
um Ordinum conſenſu, albo nobilitatis noſtræ ſunt aſ-
cripti. Vt hic vetuſtiſſimas familias & à hominum me-
moriam remotas taceam. Firleorum videlicet è Franco-
nia, Comitum Gurcanorum & Conopatorum è Boe-
miæ, Duninorum è Cimbria, Caſanouiſorum & Proua-
norum atque Scipionum ex Italia, aliorumq; plurimo-
rum è diuerſis Europæ prouincijs & populis familias ſu-
as deriuantium. Sed & nuper præteritis Comitijſ, illu-
ſtres adeò viri, Comes de Donna è Sileſia, Sampachius
Baro è Morauia & Comes de Humēno ex Hungaria, Sa-
cratiſſimo pro eis Cæſare Ferdinando II. apud Ordines
intercedente, indigenatam apud nos exoptarunt. Nec
infra ti-

infra titulos suos putant, nostræ nobilitati ex æquari, quæ
eximios animos, dignis suo ordine virtutibus excolit.
Alibi enim non pudet nobilitatem mercari, non scenc-
rari, non cauponari, non alia æquè sordida exercere,
dummodo ad rem & quæstum faciant. Nostræ gentis
ita fert consuetudo, ut qui integram Ordinis huius con-
seruare velit dignitatem, bonorum terrestrium, hoc est
villarum, prædiorum, arcium, aut oppidorum possessio-
ne gaudeat oportet. Nullas igitur sordidas aut serviles
artes huic ordini exercere licet, sed ex agricultura sola,
& certis colonorum pensionibus, & alijs quascunque a-
gri ferre possunt commodis omnibus, vitam sustentare.
Nam si qui à possessione prædiorum exciderint, & ad
artes mœchanicas sese contulerint, non iam amplius ex
ordine nobilium censentur esse, sed mutata conditione
vitæ pro plebeis reputantur. Sola autem liberalium arti-
um aut militiæ studia isti hominum generi permessa sunt,
ut quia & publica rerum administratio, & belli gerendi
munera penes eum ordinem relinquuntur, has artes sem-
per habeant meditatae, quibus solis & domi tranquillitas
Reip. conseruatur, & foris ab incurſu hostium defendi-
tur. Expedit enim omninò Reip. in mutua hominum
consociatione, & differentibus vitæ institutis, ad vsum
rerum humanarum inuentis, talem hominum statum &
ordinem existere, qui quidem artibus omnibus quæstu-
arijs posthabitis, eas tantum excolat, & diligenter exer-
ceat, quæ solam dignitatem & vtilitatem Reip. habeant
propositam. Non igitur otio torpemus desidii, aut luxu
lasciuimus molli, sicut aliarum gentium corruptus mos
est, quæ in vrbes suam nobilitatem cogunt. Sed per rura
& villas sparsi, venationibus, ad bellorum simulachra ci-
G enda,

46
enda, corporis firmitatem comparandam, atque tuen-
dam prosperam valetudinem, vnum. Decet enim eos
non plebeis & vulgaribus intentos studiis esse, aut solum
sapere quæstum, qui dignitate & prærogatiis supra ple-
bem excellere student. Proinde præter extraordinarias
copias, quæ varijs locis, vbi res postulat comparantur,
in Podolia, quâ Scythæ contigui sunt, firma ac certa præ-
sidia, vbi nostra iuuentus eruditur, assiduè habemus, ibiq;
cum cæli nostri tristitia atque asperitate certamus. Tan-
taq; semper apud ordinem nostrum Equestrem virtutis
& dignitatis ratio habita fuit. vt vel in medios rueret ho-
stes, & certæ occumbere morti, ad solam honesti officij
immediam mentionem nunquam dubitauerit. Et quod
aliæ gentes non nisi certa mercede & præmio proposi-
to peragunt, vt, aut in aciem descendant, aut hostem fe-
riant: id solum virtutis decus & respectus honesti à no-
stris extorquet. Adcò animi nobis in quacunque studia
inclinant, mirifico successu inclyti, vt nullis maior pa-
tientia castrorum, vel audacia pugæ, vel inedia, iniuria-
rum cæli, aut cuiusvis aeris tolerantia. Sic Russiæ vtriusq;
incolæ, in præcos habitus gentiumq; maiorum, assiduis
exercitijs vt maximè durant, Sic vtriusque Poloniæ po-
puli, faciles ad stimulos gloriæ, & in omnis magnificen-
tiæ cultus sunt intenti. Masouitæ robustum hominum
genus, laborisq; omnis patiens. Litvani in bellis ad om-
nia pericula pernicaces. Samogitæ frugi homines, in-
tentiq; ad futura. Volhynij callidis & ingentibus consi-
lijs valent, pariq; audacia dum impetu opus. Prussia ar-
mis & opibus grauis. Liouonum gens cauta, & plerumq;
in armis, quam in ocio aptior. Omnes verò passim, ar-
morum & equestris disciplinæ studiosi, vnde vulgò Equi-
tes nun-

tes nuncupamur, Sed neque bonarum artium frigidi sumus cultores, etsi sub frigido axe positi, cum hoc nihil ad studia tractanda impediatur. Siquidem & in Gallia, ubi primum in Orbe Christiano studium erectum est, & in Anglia, unde tot viri eruditissimi prodierant, & in Belgio, ubi nunc præcipua ingenia censentur esse, paulò remissius nostra plaga, frigus fieri soleat. Quinimo interdum æquale aëri nostro, & Carolus olim Audax vinum adeò gelum, in castris suis vidit, ut securi frustratim scissum militibus suis liquefaciendum ad ignem diuideret. Iam verò in Gallia quoties hominum memoria, Sequana, Ligeris, & ipse Rhodanus, non minus quam & noster Vandalus, Tyras, Borysthenes aut Nemenus, glacie concreuerunt: ut iumenta passim ac carri onusti per ea transmitterent, & arbores ferè omnes in Prouincia ac Septimania gelu vstulauerit. De Germania nihil dico, cum vicina nobis eadem propè climati cum Sarmatia nostra subsit. Et nihilominus passim in illis locis & literati & virtute præstantes viri repperiuntur. Non video igitur causam cur nobis cœli intemperiem & frigoris atrocitatem Germani quasi per contumeliam exprobrent, cum tota penitus Polonia, ut frugum atque fructuum sic & ingeniorum nobilissimorum ferax sit: præcipuè Submontana in Panoniam declinans. Humus enim ibi propitijs collibus vel repore fluminum mitigatus, etiam aërem benignum facit, qui ut herbas delicatiores alit, sic & corpora hominum molliora atque per consequens aptiora ad Musas pacatiora. Iam quæ Roxolarum ingenia, quæ Lituanorum virtus, qui ritus, qui mores omnium Sarmatarum, ab historiæ scriptoribus satis proditum est, satisq; ipsi sese prodiderunt, qui tot monumen-

Philip. Cœ
min. in Car.
Audace.

Thuan. Hist
lib. 50.

Vide librum
nostrum de
tjs inge. Script. Pol.

*Mercurius
Gallobelgi-
cus To. 2.*

118
tis ingeniorum posteritati relicta, nomina sua immor-
talitati consecrarunt. Nolo hic commemorare ceteros,
quos è profundo temporis naufragio benignus æterni-
tatis genius seruauit, vnicum hic Zamoscium produ-
cam, virum absque omni controuersia in toto Septen-
trione magnum & eruditum, ac præter cæteras laudes,
æterno præconio celebrandum, quod Reipub. mode-
ratione, cultuq; bonarum artium, & studio religionis
amplificandæ, formam speciemq; Optimi Senatoris, ac
verè Christiani Megistanis expresserit. Hunc igitur ob-
trectatores nostri insimulant, discordijs ciuium suorum
creuisse, auxisseq; opes suas affinitate Zborouix domus,
tum auro nefario Othomanorû, quod Scythas è Valachia
per ditiones Regni Poloniæ in Transyluaniam transire per-
misset; quos faciliè in saltibus Beskiedianis opprimere po-
tuisset, si tempestiuè cum exercitu occurrisset eis: sed vt
inquiunt, rem Christianam proderet, & Rudolphi Im-
peratoris victorias retardaret, consultò tardè cum Polo-
norum copijs aduentabat in Russiam, quo interim bar-
bari Alpibus Carpatijs superatis, nemine prohibente in
Hungariam irrupere. Quodq; idem Zamoscius lau-
dis cupidissimus, librum de Senatu Romano à Carolo
Sigonio conscriptum nomine suo vulgasset, ipse prorsus
tantæ litteraturæ ignarus. O tempora, ô mores, virum
præstantissimum & alterum ferè Epaminundam audet
ille nugarum & somniorum author, errabundus Mercuri-
us, ad posteritatem traducere? qui nusquam quid veri-
tas sit, quid narratio historica, aut scire potuit aut in po-
sterum discet? cum in hodiernum quoque non erubescat
suas nugas disseminare, idq; semper gentem nostram cri-
minando, cui Germani velut quinto Euangelistæ suo
Martino

Martino Lutero fidem in omnibus nugis indubitata
praestant: Zamoscius q; qui bello ac pace mirabilis, æ-
mulorum invidiam vicit & amicorum fidem, id q; vnum
in vita egit, vt ciues suos omni ex parte florentes & ma-
ximè concordēs videret, ciuiliū turbis & dissensionib-
us creuisse, affirmare non erubescunt. Nam etsi ab obi-
tu illius ciuili bello, & omni discordiarum genere lace-
rauimus nostras opes, nusquam tamen inter nos ita per-
tinaciter armis certatum est, tam q; crudeliter sanguis fu-
sus vt inter Albos olim & Nigros in Italia; item q; inter
Columnēses & Vrsinos, inter Guelphos & Gibellinos,
inter q; Braccianos & Sfortianos, qui nec sanctitati lo-
corum, nec sexui aut ætati hominum, nec parentum pie-
tati, nec cognatorum sanguini parebant. Sed vt tardè
iras sumimus & arma, sic & odia paucorum mensum
spatio deponimus. Ac proinde talibus discordijs non
datur occasio quidpiam lucrandi apud nos, sicut & Za-
moscio credo nullum bello ciuili commodum aduenis-
set, si illi superuixisset: prout & interregnorum temporib-
us quæ illo viuente acciderant, nulla utilitas, nullum
lucrum obuēnit, præter sollicitudinem & curas Reipub.
causa susceptas, item q; sumptus facti in militem, vti a-
pud nos moris est. Aliter fortassè alibi, vbi inimicitie
diuturnæ, & vbi passim subitis odijs, armisq; priuatis, ad
ultima discrimina committuntur. Quamuis & nos in in-
terregnis fortuna ingentibus malis fregit: & animos totos
suarum miseriarum contemplatione impleuimus, Nullas
tamen Zamoscius opes discordijs nostris aggregauit sibi,
sicut nec affinitate cum domo Zborouia, vt negatur
Mercurius, cum qua illi è contra odium implacabile e-
rat: sed eas virtute sibi ac fortuna honestissimas in Rep.

parauerat; nulla perfidiae macula aut Christianitatis odio
famam suam polluendo. Quod si verò quid in Germa-
niae damnū cum barbaris tractasset, vt calumniatur Mer-
curius, iam hactenus res innotuisset nobis, qui cum illo
viximus, cum illo conuersabamur; tempus autem nul-
lam rem æquè bonam ac malam in occulto finit esse,
maximè apud nos, quibus aperti mores placent, & qui-
bus vt viuendi sic & dicendi pro libitu facultas summa
est. Potuissetq; in eum quodammodo suspicio cadere,
si vir hæreticus fuisset, aut aliqua impetatis labe notat9,
sed quia Catholicissimus & omnis pietatis probitatisq;
exemplar erat, totq; templa diuis, tot collegia sacerdoti-
bus, tot Xenodochia pauperibus & Musarum domicili-
um Academiā Zamosciā magnificè crexerit, ne ima-
ginari quidem tantum scelus de illo possumus. Sicut nec
scriptum alienum plagiaro crimine sub eius titulo euul-
gatum, qui tantum eruditionis habuit, vt omnibus suo
saeculo literatis par esse censeretur, & cum alia plurima
stilo elegantie diderit, tum in iuuenili ætate adhuc librum
illum de Senatu Romano antiquitatibus referatissimum:
cum in studio Patauij manens, Licæum illud nobilissi-
mum Rectoris titulo moderaretur, Carolo Sigonio ad-
huc in herba latitante. Qui tum demum scriptis suis in-
clarescere cepit, cum Zamoscius iam in patria decursis
inferiorū honorum gradibus, Supremi Reip. Cancellarij
& exercituum Praefecti, apud Stephanū Regem, munere
fungoretur. Cōprobant hoc grauissimi scriptores con-
discipuli sui, Laurentius Gossicius postea Episc. Posn.,
Andreas Patricius Episcopus Vindobensis, Stanislaus Fu-
geluedrius, Paulus Stenponius, alijque plurimi conter-
ranei & æmuli sui, qui in libris suis honorificam mentio-
nem

nem Scrip̃torum ipsius faciunt, & omnes vña tum. apud
 Ioannem Mulcium Typographum Venetum suas lucu-
 brationes publicarunt Is octuaginta quinq; annos natus,
 singulos se optimè nouisse aiebat, atque ipsum Carolum
 Sigonium: de eorumq; virtutibus & in re literaria pro-
 gressu, nobis percunctantibus multa cum iucunditate,
 Anno 1627. referebat. Sed & stilus ipse arguit, non Ca-
 roli Sigonij opus illud esse, cum sit multò pressior Sigo-
 niano, & simillimus reliquis lucubrationibus Zamolscij,
 quæ passim circumferuntur. Verùm hîc dices cum Lan-
 sio, potuisse vtique Zamolscium aut alios Polonos qualitercunq;
 Latine scribere: ast pronunciare non item, cum & in accentibus Scioppius in
 grauissimè peccent, & ipsi patriam linguam valde barbaram ha-
 beant, vt puta decem interdum con-^{Scal. Hypo}sonantibus syllabam vñam ^{bolimeo}
 constantem, & verba ipsa velut lapides aliquos, quibus audien-^{pag. 92.}
 tium cerebrum excutiant. Equidem scire deberis, Audito-
 res, linguam nostram Polonicam, ortu barbaram esse,
 nam è media Scythia egressa, perq; varias barbaras gen-
 tes vagata, Sarmatas videlicet, Gothos, ac Vandalos. qui
 orbem vniuersum infestauerant, etiam nunc à magno flu-
 uio Obia, & Nouazemla incipiens vsq; ad sinum Adria-
 ticum extenditur, continetq; circiter viginti quatuor na-
 tiones, puta Nouozemlenses, Rizanos, Roxolanos, Ser-
 uios, Bulgaros, Rascios, Illyrios, Istrios, Sclauonios, Po-
 lonos, Lituanos, Silesios, Cassubios, Vandalos, Mora-
 uios, Boemos, Carniolas, Carinthios, Cassanios, Sibiri-
 os, Astrachanenses, Moscouitas, Minglerios, Circassios,
 & Dalmatas. Quarum singulae fermè dialectis & pro-
 nunciatione inter se differunt, & barbaritè sonant, par-
 tim quod nullam bonarum artium culturam habeant, par-
 tim quod alijs populis subiectæ, imperantium sermocina-
 tione

tione suam linguam contaminauerunt. Quique olim in-
 domitæ intra se molis fuere, ac pleraque alias per orbem
 terrarum prouincias frequentibus victorijs subegere, sen-
 sim per ignorantiam gubernandi, adfueratque victoribus
 vitia, cessere in prædam his ipsis, de quibus triumphabāt:
 & Tartaris nunc, Turcis, Succis, Hungaris, Germanis atq;
 Italis subiacent. Sola Polonia atque Moscouia exceptis.
 Sed quarum ista (Asiatica Sarmatia dicta) velut ad bar-
 bariem facta, etsi non obtusa ingenia producat, nullas ta-
 men pacatiores artes admittit, aut duritiæ sermonis emen-
 dat. Sola nostra Europæa Sarmatia, deposita illa agresti
 ferocia, quæ opuma ingenia tristi nocte spissabat, vnà
 cum luce Euangelij & morum culturam admisit. Intro-
 ductisq; per Iagellonem Regem Gracouiam omnium
 scientiarum professoribus, ita Latinam linguam in vsum
 nostrum conuertimus, vt omnia iura, leges, & publicas
 scripturas nostras exinde Romano ritu & sermone ex-
 tradere soleamus: loquamurq; adeo promptè & purè,
 vt exteri putent nos Latinam linguam habere natiuam,
 Secundum quam, nostram quoque paternam, quæ nul-
 lius exteri dominatus illuuiæ contaminata est, Oratorum
 ac Poëtarum præceptionibus expoliuimus, vt omnia
 tam Græcorum quam Latinorum ornamenta faciliè ad-
 mittat. Nec Scioppio contrarium in suo Hypobolimæo
 asserenti credendum est, qui & in Polonia nusquam fu-
 it, & vt Germanus affectu ductus scripsit, & dum scribe-
 ret, nullum sanè Polonum nouit, cum quo de sermonis
 nostri elegantia conferre potuisset. Fasset id Anno
 1626. nobiscum Romæ familiarissimè viuens, & expo-
 postulat, summiopere verecundabatur, quod ex pro-
 nunciatione Sclauorum qui suam linguam Turcica bar-
 bariè in-

Vide librū
 nostrum de
 Oratoribus
 Sarmatie.

barie inquinarunt de nostra lingua iudicaret: præsertim
 quum ostendissemus illi summorum virorum, de nostra-
 ribus testimonia. Mureti videlicet, qui nos in omni ciuili-
 rate exercitatisimos esse dicit. Lipsij, qui Polonos hu-
 manitate ac elegancia prouocare lætissimam quamque
 gentem asserit. Et Bodini sic ad suos Gallos inquentis:
 Poloni non tantum mollius quàm nos loquuntur, sed
 sunt etiam vrbaniores, & cultu elegantiores. Nam quæ
 lingua quæso amoribus conciliandis aptior quam Italica?
 quæ à mascula constantia remotior quam Gallica? quæ
 magis fastum spirat quam Hispanica? quæ barbariem ma-
 gis sonat quam Hungarica? quæ ingratum sonum magis
 & stridorem facit quàm Germanica? & tamen audent
 nostram duram pronunciatu & auditu asperam affirmare,
 quæ omnes dicendi vneres admittit, & vt scribitur sic
 & pronunciatur, absq; omni cauillatione, diuisione uè
 aut contractione oris. Iam autem Occidentales omnes
 aliter scribere, quàm loqui videmus, & loqui sapissimè a-
 liter, quàm sentire: quod ob inopiam certè, aut impoli-
 tam quandam duritiem linguæ, mentis conceptus enun-
 ciare difficillimè queant. Nostræ è contra linguæ, quæ
 ab occupatore nullo vsquam adulterata fuit, tanta sanè
 maiestas est, & cum vbertate iuncta dignitas, vt cum Græ-
 ca & Latina, alijsq; omnibus cultioribus de elegancia,
 de selectissimorum verborum splendore, de pulcherri-
 mis periodorum ductibus, & de vniuerso planè orationis
 ornatu certare possit. Quantum verò ad pronunciatio-
 nem linguæ Latinæ, fateor ingenuè non omnes Polo-
 nos eruditos esse, neque singulos proinde scire posse,
 quid sit Prosodiæ quantitas, aut eleuatio depressiue
 accentuum in pronunciatione: esse autem quam pluri-

In Epist. ad
 Sacratum
 Epist. Misc.
 Centur. De
 Rep. lib. 3.
 cap. 1.

H

mos

mos in pagis & villis ferè singulis, qui Latinè loquuntur,
 non obseruatis regulis & præceptionibus elocutionis.
 Sed de viris eruditis, & qui aliqua literarum cultura per-
 politi sunt, aliter existimandum est: hi siquidem vt artis
 præcepta, & elegantias linguæ Latinæ ab optimis præce-
 ptoribus didicerunt, sic & loquuntur comptè, & scri-
 bunt luculentissimè. Cum tamen quæri possit inter do-
 ctos, quænam gens propiùs ad genuinam Linguæ Ro-
 manæ prononciationem accedat, cum omnes Europæi
 corruptè loquamur, & Latinitatem ipsam non per natu-
 ram, sed per doctrinam habeamus; quiq; à Romanâ lin-
 guâ originem sui sermonis ducunt, Itali, Galli, atque Hi-
 spani, nobis longè vitiôsius pronuncient. Et Hispa-
 ni quidem vt cætera omittam H. aspirationis notam qua-
 si perpetuò in ore habent, & ante vocalem. E. ingenti
 spiritus hauſtu enunciant semper, vt HESVS pro IESVS.
 heremus pro eremus, & similia. Galli verò V. loco B.
 & cott. loco quot, ponunt, vt viuisti pro bibisti, viuiothe-
 ca pro biblioteca, & cottidiæ pro quotidie. Itali dènum
 G partim per I. partim per DZ. efferunt, & mainus pro
 magnus, dzienitor pro genitor, cielum pro cœlum di-
 cunt, multaq; alia spiritu dissono & dissimili à scriptione
 proferunt. Item Scoti atque Angli verba intra palatum
 proferunt, magisq; gutture quam lingua loquuntur, vt
 vix ab audientibus intelligantur. Sed quorum omnium
 Germani pessimè pronunciant, & cum interloquendum
 alia plurima vitia committunt, tum hoc potissimum,
 quod syllabas longas nimium eleuent & veluti cantent,
 eaq; quodammodo cantando intra fauces interimant, vt
 vix vocales prolata exaudiantur: loco autem V. perpe-
 tuo F. pronunciant: vt Finum pro vinum, ferum pro ve-
 rum,

Berclaius in
 Icone Anis
 morum 105.
 Scalig. Ep.
 ad Causab.
 Apol. Prin.
 Aur. ad pro
 scrip. H. Re
 gis.

Bod: de Re
 pub. & in
 M. H.

rum, serba pro verba. Quæ quidem verba ipsa, non satis Latinè interdum, aut ad præscripta Grammatices efferūt, vt benè obseruauit Nicolaus Leonuenius Medicus Romanus scribens de suo Antisophista, vbi sic inquit : si ves-
tim toties, quoties frangit Prisciano caput Sophistam reprehendere : vereor Nic: Leō-
ne illud mihi à Sophista accidat, quod cuidam patricio Romano à seruo A- uen, ex-
lemano contigit qui ita aliquando dominum interrogabat, vbi est clauem ? cuss. Bon.
Et cum reprehenderetur quod minus Latinè loqueretur, qui clauem pro cla- ab Hiero.
uis diceret, quasi se corrigens alias petebat à domino. Da mihi clauis ? Et de Bene-
cum rursus male locutionis redargueretur, quia non dixisset, da mihi clauem dict. 1519.
tandem crebra castigatione indignatus seruus, ita de hero conquestus est.

Modo clauis, modo clauem, nunquam vidi homo talem. Ast ego certè
nuper Varsoviæ vidi hominem Germanum Medicinæ
Doctorem & vt coniectari poteram in Regia optimè no-
tum, singula ferè verba Latina, seruuli istius more contra
Donati regulas proferentem audiuiq; in vnus sensus
explicatione tum Latina, tum Italica, tum denique Polo-
nica verba putide & ineptè, permiscentem, cum nul-
lius sanè linguæ peritus esset. Nos verò Poloni, verba La-
tina interloquendum nec nimium duriter vt Hungari,
nec molliter vt Itali, sed masculè, purè liquidè, & quali-
ter veteres Romanos aiunt locutos esse pronunciamus.

Ad hæc linguas diuersas facillimè discimus, & Itali, Galli, Thuan. Hist
atque Germani ipsi pro ciuibus nos suis habent, vbi in lib. 56.
colloquium venimus. Contra verò, linguam nostram
Polonicam, nullus illorum aptè exprimere potest etiamsi
consenescat nobiscum. Quod si Lansius dicat, illi ve-
teri seculo Germanis obiectam esse barbariem, age au-
diat quid magnum literarum decus Iosephus Scaliger Ioseph. Sc.
præsenti ætate de eis scripserit. Non possum, inquit, dissimu- liger ad 109
lare dolorem meum, quem ex præpostera hominum hodiernorum consuetu. an. Casellū
dine capio : quos cum litera, quas profitentur, ex feris humaniores efficere A. 1603.

debuerint, nihil tamen illorum moribus agrestius, nihil ingenijs inamoenius,
 nihil scriptis virulentius, nihil verbis atrocius. Non memoro inscitiam (nam
 ea sola eiuscemodi morum mater est) & absq; illa fuisset, si non meliores,
 scilicet minus mali esse potuissent. Ad fastigium barbariei, mi Caseli, perue-
 nimus, non habet quo rterius progressum faciat, iam stat in præcipiti.
 Pauculi supersunt quos melior natura formauit, ex quibus alij sensum bonas-
 rum literarum, alij sensum & usum habent. Tu quidem in illis familiam dus-
 cis, qui puritate sermonis atque eruditione omnes prouocare possis; &
 quod caput est vitæ integritate ac modestia inprimis. quam virtutem ego
 quum in multis, qui literas colunt, tum in vestris præcipuè Germanis requi-
 ro: apud quos nulla magis ad maledicendum parata sunt ingenia, quam quæ
 maxime horrida sunt & agrestia. Quot Teutonicorum scriptorum por-
 tent à nundinæ Francfurtenses producant? Quis in reliqua Europa aut plu-
 ra vidit, aut petulantiora impotentium animorum argumenta, quàm sunt illa
 lemmata librorum partim Germanico sermone, partim Latino, sed à Germa-
 nis farijs concepta? Quis tam perditus ut legendis illis bonas horas perde-
 re postulet? Deus meliora, quam ut relictis optimis studijs, vel enim tem-
 poris momentum illis impendam: Et literæ tamen furoribus & debachatio-
 nibus horum incillantur, ut non ad aliud quam ad impura horum hominum
 ministeria nata esse videantur. Hæc itaque Scaliger de sui tem-
 poris Germanis, quos minimè meliores agnouerat, Leo-
 neni tempore illius pater, scribit enim ad eundem Ca-
 selum. Literæ quid aliud sunt hodie, quam Latrocinium publico quoque
 assensu concessum? Quid illæ præter inuidiam pariunt? quam non possunt
 declinare nisi qui non scribunt. Iulius Cæsar Scaliger à Burden, postquam
 diuina oratione laudes Germaniæ posteritati commendauit, amoris sui erga
 illam gentem hoc precium tulit ut in Germaniæ Typographeis tanto flagitio
 ad libidinem nebulonum nomen eius,, & omnis gens Scaligera traduceretur?
 Quam orationem si reuocare possem, montes auri mereri nollem. Nam Ger-
 mania vestra, non est ea quam ille vidit, & describit. Hæc de moribus
 & barbariæ iactabundæ gentis, vir ille sapientissimus. Ut
 tamen se industriores nostris Germani ostenderent, & lin-
 guam hanc copiosiore nostrâ monstrarent; dicunt, per
 multa instrumentorum operum, & aliarum rerum ad opificia & communem
 vitam per-

Idem Scalig
 ad Caseliū
 An. 1067.

vitam pertinentium vocabula Polonos à Germanis mutuata habere: siquod
ni aliquid & elegantiori cultura aut structura factum in Polonia reperitur,
illud maxime Germanorum industrie & virtuti attribuendum esse. Con-
cedendum est eis Auditores quantum ad opificia & artes
mœchanicas, has enim ab illis maiori ex parte accepimus,
& ab illorum lingua nominibus deriuatis indigeta-
uimus. Sed quid mirum? semper enim gens vna ab alia
res sibi necessarias mutuatur, & acquisitas veteribus
vocalibus ob quandam eorum commendationem ap-
pellat, Sic Græci olim à Chaldæis & Ægyptijs astrorum
scientiam & nomina: Sic à Græcis Latini artes liberales
omnes & earum appellationes. Sic à Romanis denique
reliqui Europæ populi & iura, & scientias, & militiam, ca-
rumq; omnium rerum voces & propria vocabula, termi-
nos, cognomina & significationes atque vsum ipsum ac-
ceperunt. Nuperq; patrum iam nostrum memoria, No-
rimbergenses gubernandæ Reipub. suæ modum à Ve-
neris acceperunt, & omnia Magistratuum ac officialium
nomina & sanctionum pragmata, in vsum suum seruatis
ethymologijs conuerterunt. Sic nos quoque à cultiori-
bus semper recte viuendi præcepta petimus, & in quan-
tum fieri potest singula rerum capita, ob gentis reueren-
tiam à qua quid accepimus, eorum nominibus appella-
mus. Et nec à Germanis modò ipsis prudentiā & bonas
artes discimus, verum & à remotioribus quibusuis, Ita-
lis puta, Gallis, Hispanis & Belgis: à quibus etiam Ger-
mani ipsi morum culturam hauriunt. Cæterum à finiti-
mis populis communissimè vitæ subsidia vicinæ inter se
gentes mutantur: & nos quoque frumentorum atque
boum copia exteris subministrata, mœchanicos ab illis vt
plurimū mutuiamur. Ipsi verò in duas veluti classes No-

bilium & agricolarum diuisi, vrbicam plebem ferè ma-
 iori ex parte congestam ex aduenis habemus: mercato-
 resq; omnes ac opifices sunt Germani, Galli, Itali, An-
 gli, Armeni, Moscouitzæ, Græci, Bataui, Hungari, He-
 braei, Persæ atq; Scoti. nostri verò Sarmatæ paucissimi,
 quòd nimirum, toti Bellonæ atque Cereri dediti, minus
 propitium sibi Mercurium habeant. Sic quoque & in
 Hispania, artifices fermè omnes sunt Galli: in Italia atq;
 Hungaria vt plurimum Germani, ipsis terrigenis in alia
 studia versis. Cum itaque nulla gens statim, cum omni
 sua perfectione nata fuerit, sed paulatim cum vicinis pri-
 mò, deinde cum remotioribus conuersando adoleuerit
 vt Seneca teste Lactantio sui temporis genium conside-
 rans, inquit: Nōdū sunt mille anni ex quo initia sapientiæ nota sunt: mul-
 tis ergo seculis humanum genus sine ratione vixit. Quid mirum si &
 nos remotissimè ab optimis illis sapientiæ magistris posi-
 ti, non statim ab origine gentis nostræ ad eam virtutis &
 scientiarum cognitionem, quam nunc cum Deo bono
 tenemus, peruenire potuerimus, sed temporis progressu
 & post susceptam demum Christianam veritatem: idq;
 & cum Germanis tanquam vicinis, assidua commertia e-
 xercendo, & ad cultiores populos vltius peregrinan-
 do: à quibus quicquid optimum erat, hianti pectore ex-
 cepimus, & domum reuersi in vsum nostrum iudicio
 conuertimus, Quapropter culturam hanc, & quasi se-
 mentem animorum nostrorum, non possumus omninò
 soli iactabundæ Germaniæ debere, verum alijs quoque
 cultioribus populis, à quibus omnem morum eleganti-
 am, & virtutum honestatem, tanquam à proprijs posses-
 soribus mutuati sumus. Neq; etiam ebrietatis vitium iu-
 re merito illi nobis obijcere possunt, cum minimè sint
 sobrii

Diuinar. In
 stir. lib. 3.
 sap. 16.

sobrij ipsi: quinimò bibacissimi Septentrionalium omni-
 um. Quibus connaturale quodammodo hoc vitium est,
 vt forti aliquo potu, frigus illud animorum & hyppo-
 condriam discutiant, absterfoq; frequentioribus pocu-
 lis flegmate, sepultos spiritus excitare, atque quodam-
 modo agiliores ad res gerendas efficere soleant Ger-
 mani attamen vniuersorum ebrietatem & compotatio-
 num certamina longè supergrediuntur: & cum alia cra-
 pulæ vitia plurima habent, tum istud sordidissimū, quod
 eiccta per vomitum ingluvie vini, iterum atque iterum
 veniant cum exonerato stomacho ad bibendum, & tum
 maximè certent inter se calicibus, Omittam quæ vulgi
 sermonibus: de maximis Germaniæ Principibus tradun-
 tur, aut à scriptoribus eiusdem gentis grauissimis passim
 referuntur: vnicum quod in patria nostra spectauimus
 exemplum adferam Legatus à Brand. Electore, qui &
 Prussiae Dux erat, ad Christophorum Dorohostaiscium,
 Lituaniæ supremum Marschalcum, vir vt videbatur satis
 honoratus & Nobilis, multoque satellicio comitatus ve-
 nerat, is cum ad mensam esset, & Marschalcus illi de mo-
 re gentis, facta Principis sui honorifica mentione, propi-
 nasset, epoto ipse poculo è Smaragdi gemma affabresa-
 cto, vas ei aureum ingens & vini plenum porrexit, rogās
 vt de more Prussie cuius dominio Princeps suus potire-
 tur, illud haustu vnico pro sanitate eius ebiberet. Fecit
 ille promptè, paratum se aiens pro sui Principis honore
 quidpiam maius efficere. Tum Marschalcus vini poto-
 rem egregium esse suspicatus, innuit coniugi suæ, vt illa
 quoq; calicem Cristallinum qui oportunè affabat in men-
 sa, in sanitatem vxoris Domini Electoris, cuiusque filio-
 rum eidem propinaret, Factum ab ea, exiguo interstitio
 inter-

Cuspin. erat
 Protreptica
 Camer. Cēto
 1. cap. 94.
 Aeneas Syl.
 Alfons. Pd.
 val. c. 410

interposito: & legato hilariter operam suam in eo passu pollicenti, vas succineum, multò priorì maius vino plenum oblatum est. Quod cum vno spiritu, cunctis miratibus exhausisset, & tandem minutionibus poculis, per tempus prandij aggrauatus esset, ad extremum eructantem stomachum retinere nequiens, applicato quantociùs ori pileo, pellibus zebellinis prætiosissimis suffulto, exestuans vinum cum ructu puculento eiecit. Tum surgens à mensa, & hospiti atque cõuiuis reuerentia facta, in proximam cameram ad exonerandum stomachum abiit. Cumque pileo mutato ad triclinium, vt fortiùs potaret rediisset, & Marschalcum nauseabundum, cum reliquis conuiuis, inde abiisse animaduertisset, indignabundus itineri sese statim, non expectato legationis responso, cõmittere voluit, non sic tractaturum aiens Principem suum, Domini Marschalci legatum, si fortè ad eum in Marchiam venisset, sed potaturum cum illo, etiam ad mediam noctem. Quæ cum Marschalco relata fuissent, iussit aulicos suos alternatim succedentes tota die cum eo bibere, se verò valetudinarium (Podagra enim laborabat) quam humanissimis apud eum verbis excusare. Itaq; placatus ad vesperam ter aut quater vomitu stomachum leuans, potauit vehementissimè: & in crastinum se victoriam de omnibus suis nobilibus retulisse coram Marschalco vanissimè gloriabatur. Iterumque coram Principe suo, Marschalcum inueniens poculorum impatientem, metu sui infirmitatem simulauisse. Egregiam profectò laudem, & quidem in viro Legato, atque consiliorum Principis sui conscio: sed cui adiungam etiam Principis personæ simile factum. Henricus Firlei Episcopus tum Ploensis (postea verò Archiepiscopus Gnesnensis &

Primas

Primas Regni Poloniæ) Roma rediens per Alemaniā
 exceptus conuiuio fuit ab Episcopo Augustæ Vindeli-
 corum. qui cupiens Polonum hilariorem efficere, pro-
 pinando illi frequentius, primū ipse quā hospes à vi-
 no obrutus fuit, vimq; illius sufferre nequiens, rogauit
 Firleium, vt maneret cum conuiuiis, reditum eius expe-
 ctans, quia ego inquit: *Reuerendiss. ibo interim parā pomere.*
 Hem barbariem Auditores! quod si hæc alicui Polono
 in Germania contigissent, quid scriptores istorum non
 prodidissent de nobis, qui cum nullam causam calumni-
 andi habeant, faciunt tamen malicia & odio, quid si ha-
 buissent? Quanquam & nostri plus iusto bibunt inter-
 dum, sed nusquam tamen sic continuatis noctibus vt illi:
 magnoq; probro apud nos habetur, si quis ad ructus vs-
 que stomachi potaret. Proceres verò ipsi, & honoratio-
 res omnes, maximè autem spirituales & Ecclesiastici,
 computationes largiores prorsus execrantur. Cyri Re-
 gis factum præ oculis habentes, qui liberis & ingenuis
 omnem viam ingurgitationis interdixerat, solis autem
 seruis permiserat, Vnde plurimi Dynastarum nostrorum
 ita abstemiij reperiuntur, vt non nisi aquæ potores habe-
 antur. Et Iagello Rex olim eiusq; successores omnes,
 qui tot ætatibus gloriosissimè apud nos imperarunt, nul-
 lo prorsus alio potu fortiori, præter aquam saccaro at-
 temperatam, aut è fonte viuo ebullientem, utebantur,
 quod eius vi, animum corporisq; vsum, minùs aptum ad
 laborem existimarent. Idem fecere Duces Radiuilli fe-
 rè omnes. Idem Buczacij, Monuidij, Illinicij, alijque
 plures Sarmatiæ nostræ Sarrapæ, quorum exemplo ad
 parem æqualemq; laudem, nuper nonnulli accedere mi-
 hi videntur, si modò hîc de virtutibus eorum exspatia-

*Vide lib. de
 Bellatoribus
 Sarm.*

ri liceret. Sed nolo vos Equites fortissimi, hisce obtre-
ctorum nugis diutius detinere, cum etiam illi ebriera-
tem nobis non nisi benè poti, & in cauponis suis, coram
similibus sibi, non in cœtu hominum præstantissimorum,
quibus virtus nostra probè cognita est, exprobrare sole-
ant. Ad illud sanè discutiendum properabo quod iam
vino sobriores, non tamen animo, nobis obijcere co-
nantur, rei militaris, nimirum *inscitiam*: quod & peditatum
nullum habeamus, aut si mercenarium habemus, tum
nec in stataria pugna, nec in expugnationibus munitionū
illis vti sciamus: & quod iactemur nos habere centum
quingenta millia Equitum, nec tamē possimus Tartaris,
qui nos singulis annis exagitant resistere, aut Suecum Prus-
siam atque Liuvoniam nunc occupantem inde eijcere: è
contra, cum annis superioribus Moscouiam & Daciam
inuassemus, facillimè ab illis populis eiecisti sumus. Et

Julius Bellus quod denique numero magis equorum, quam militum
in Laurea viribus hostem terrere soleamus; potiusq; ad excursio-
Austriaco. nes, quam ad statariam & iustam pugnam prodire audea-
Orat. cōtra mus. *Consequens igitur est*, inquit Thomas Lansius, *re*
Poloniam. quemadmodum olim Boleslai Pudici temporibus à Tartari ca-
si fuimus, qui singulis cadaveribus, singulas auriculas dexterarum
prævidendo, novem ingentes saccos expleverant. ita denuo ce-
damur ab illis, aut à Moschis: & tandem excussum proteruis
Lam. Schas sua Germanarum (quorum tot sæculis olim tributarij fuimus)
fuab. Cruf. iugum iterū recipiamus, atq; sic reducamur ad obsequium. Hæc
Ann. Suen. sunt vota Germanorum Auditores, hæc symbola amici-
p. 2. li. 7. tiæ, & in hac appreciatione concludit suam orationem
c. 90. Thomas Lansius scribens contra Poloniam: ut qui ne-
mini vnquam serviivimus, iugo videlicet ipsorum, con-
culcati prius à barbaris, ceruices nostras submittamus,
& qui

& qui tot sæculis in Lufatia, Marchia & Pomerania Saxoniis cunctis regnauiamus, atque roties Alemanos Silesia, Morauia, & Bòemia eiecimus, nunc ipsi falces nostros ipsi submittamus. Sed non omnium vota propitius excipit Iupiter Auditores, neque omnia scriptoribus Germanicis de nobis quidlibet afferentibus credendum est, prout nec Pseudo-Heruarto è Bavaria habenda, Ditmarum & Otthonem Frisingensem in testimonium adducendi, quasi Principes nostri tributarij fuissent Germaniæ Imperatorum; cum & antiquissimus rerum Polonicarum scriptor Ioannes Cadlubecus, cum Anonymo & Dlugosso grauisimis Historicis nostris contrarium dicant, & ratio ipsa oppositum Germanicæ opinioni credere suadeat, quod ipsi videlicet temporibus, quibus illi seruitutem nos seruuisse scribunt, Principes apud nos bellicosissimi fuissent, Boleslai illi fortes Lesci & Cazimiri, qui grauisimis cladibus Germanam nationem affecerant, eorumque Cæsares tum genti nostræ infestissimos Otthones illos Henricos, Contrados, & Fridericos non modò à finibus Poloniæ reiecerant, sed iusta acie congressi ignominiosissimè eos sugarant. Testis huius rei campus Caninus ad Vratislauiam situs, sicque dictus quod canum multitudo infinita, ad laceranda castrorum Germanorum cadauera vndique eò confluerit. Testis Habdancorum familia cognomen bellis illis nata, quod vnus è Polonicis legatis ad monstratos sibi ab Henrico Imperatore thesauros, quibus se vanè Sarmatiam debellaturum iactabat, annulum suum proiecerit, aurum auro accumulandum esse inquit, sibi verò virtutem solam cordi esse, quæ & regna & thesauros dum opus est facillè acquirat. Cui Imperator Habdank

Io. Heruaro.
Mantissa
cont. B. 304.

sua lingua hoc est gratias tibi habeo, responderit, atq; inde legito reuerto cognomen posteritas ex eo Habdanci indiderit. Testes denique sunt tabulæ & fœdera tanquam cum vicinis & socijs ab illis Imperatoribus conscripta. Et diadema Regium ab Ottone III, Principi nostro Bozellao, tanquam amico, non tanquam victo, impositum solenniter. Quod si certè de Popellis illis imbellibus aut alijs inertibus Principibus nostris, supranominati illi scriptores Germanici hæc prodidissent, fuisset sanè quod facilè lectorem ad credendum permouere potuisset, sed cum de gloriosissimis bellatoribus nostris aiunt, & hanc eis ignominia & seruitutis turpem notam inurunt, credibile est eos gentis nostræ odio, & in gratiam Cæsarum suorum scripsisse, quicquid in historijs de Polonia prodiderunt. Quamobrem animus non est illorum temporum victorias exequi, quibus Sarmatæ nostri Orientis & Occidentis Imperium sæpius stipendiarium fecerunt, Thraciam incendijs, vastationibus, & excidijs afflixerunt. Illyricum, Dalmatiam, & Pannonias vtrasque multis populationibus, direptionibus & cladibus concusserunt, Imperatoremq; illum vestes ipforum deridentem Valentinianum, ac Romanos orbis propè dominos, ad tributum pendendum coegerunt. Cum nullus tunc esset populus in orbe vniuerso, qui Sarmatorum arma lacessere auderet. Nec veterum Lechitarum fortia facta enumerare libet, quæ illi ante susceptum Euangelium gesserunt, cum per omnem ferè Septentrionem, & ad Cimbricam vsque Chersonesum victricia signa circumferrent. Sed à suscepta modò religione Christiana, ad præsentis ætatis tempora gentis nostræ progressus examinemus: ac imprimis videbimus quam sepissimè maiores nostri
Germa-

Germanorum Imperatores difficilli bello diuexarunt, etsi parum tum peditatu vterentur, nullamque sibi rei militaris peritiam adscriberent. Iam verò quoties Boemiz Reges, Saxonia Principes, Branderburgicos Marchiones, & vniuersas Theutonicorum Religiosorum in Prussia, ingentes copias, vicerunt, profligauerunt, ceperunt, deleuerunt? Quoties per totam ferè Germaniam grassati, prouincias, vrbes, oppida, vastauerunt, expugnauerunt, exhauserunt? Quoties opimis onusti spolijs, & Germanicis exuuijs amplificati patriam ditauerunt, coloniasq; amplissimas in Russia & submontana Polonia è captiuis fecerunt? testis vrbs nobilissima Leopoldis à primeua sua origine Lemburgum à Germanis habitatoribus appellata, & tot circumiacentia oppida ex eisdem captiuis facta Buscum, Lancutum, Priuorscia, Canezuga, Dinouia, Rimanouia, populosissimiq; eius regionis pagi, à Leone Russiae Sarrapa, & Cazimiro Magno Poloniae Rege locati, vbi in hodiernum vsque Germanicâ linguâ, cisi maiori ex parte iam corrupta manet. Testis campus ille Caninus in Silesia, Gruneuoldum in Prussia, Naclum in Cassubia, & Nessouia in Cuiavia, vbi diuersis temporibus è Theutonica gente tot millia cecidimus, tot illustribus victorijs positi nomen Polonum remotissimis etiam populis metuendum fecimus. Taceo hic triumphos Pannonicos & toties deuastatam à Polonis Hungariam. Taceo Daciam toties à nobis debellatam, Principesq; eius à tot ætatibus tributarios Poloniae factos. Taceo multoties reportata de Tartaris trophæa, caesosq; infinites penè exercitus eorum. Taceo & Mosconitas, ad Viam, Viasmam, Neueliam, Vielkolukos, Polociam & Orsam insigni prælio caesos, ademptasq; eis tot vrbes,

arces, prouincias. Quamcunque enim temporum seriem confector, vbique Polonorum victorias, trophæa, & triumphos, cum admiratione intueor. Solam vobis Mululmanicæ gentis potentiâ obijciam, quam nequiverunt reprimere Græci, Sclauoni, Hungari, aliq; sapientissimi & fortissimi populi: & cuius ferociam sæpius iam persenserunt ipsi Germani, Friderici illi Ænobarbi, Henrici, Conradi, Sigismundi, Maximiliani, Ferdinandi, Rudolphi aliq; gloriosissimi eorum Imperatores. Huius nos bestiarum Auditores, nedum triginta regnorum cadaueribus satiari, soli intrepidè sustinemus imperum, non timemus vicinitatem, ad minas non expauescimus: Utq; aliæ gentes gaudeant vmbis, & otio, summisq; pacis bonis perfruantur, toto nisu contendimus. Nos sæuissimam Scythiarum tempestatem in sua admittimus latifundia. Nos hostis crudelissimi Othomani furori, quem etiam extra belli agonem sola nominis mentione horrent aliq, fortunas nostras obijcimus. Nos totius Asiæ barbarorum tela, in omnes Christiani orbis partes directâ, corporum nostrorum obiectu repellimus. Quis enim potest vel ex priscis annalibus referre, Moscouiæ Tyrannum, alicui victori Regi colla submisisse? Submisit Inuictissimo Regi nostro Sigismundo III, nuper Suiscius, & Varsouiam in triumphum ductus, cum toto ferè suo Senatu & sacrorum Patriarcha carcerem pertulit, in quo & vitam expirauit. Quis vel veterum bellatorum Scythicarum Illuicæ, & eorum potentiæ resistere potuit? Restiterunt toties fortes Poloni, & cum olim sæpius cæsos in seruitutem duxerunt, coloniasq, ex eis in Lituania fecerunt, tum auspicijs Inuictissimi Regis moderni Sigismundi III. per Zamoscium, Visniouecium, Zolkienium, Zbara-

Zbarascium, Potocium, Constantinum Ostrogium, Komecpolscium, Lubomieiscium & Chmielecium, cladi-
bus eos ingentibus affecerunt. Quæ natio Christiana,
tanto cum exercitu contra se Turcas venisse dicet, cum
quanto ad Chotimiam contra nos venerant, ita verò se
pugnasse vt recederent illi, ita constanter obstitisse, vt pa-
cem priores rogarent. Nemo sanè hoc de se affirmare
audebit, præter inuictam gentem nostram, qui nec auro
dato, nec vrbibus aut prouincijs concessis, bellum apud
eos redimimus, aut legatos fœderum deprecatores Bi-
zantijs continuò fouemus. Verumenimvero armis eos
vltiò laceessimus, & Christianis Principibus, bella cum
illis gerentibus, suppetias non rogati etiam mittimus.
Sic a uorum ætate Cazimirus Jagellonides, Stephanum
Valachix Principem post prælium sibi Homagium,
contra Baiazetis II. potentiam in tutelam suam recepit,
Sic Sigismundus I. Petrum & Alexandrum, eiecto Bo-
gdano contra Solimani voluntatem, vtrique Moldauix
imposuit. Sic Stephano regnante Cosachi duce Pod-
koua Danubium transgressi plurimas Turcicarum ditionis
ciuitates euerterunt. Sic nuper Inuictissimus Rex noster
Sigismundus Hieremiam Valachix, & Simeonem Mol-
dauix imposuerat, fraudulentissimo illo homine Ale-
xandro Tomfza, atque bellicosissimo Heroa Michæle
inde pulsis, Rozuunoq; Principatum per vim inuaden-
te, supplicio capitis affecto: Sic Vishniouecius, Potocius,
atque Corecius, Russiæ Dynastæ paulò superioribus an-
nis, priuati contra Turcas arma sumpserant. Sic Cos-
achi Zaporofenses oram maris Euxini Constantinopo-
lim vique & Trpezuntum inconsultò Rege depopulati
sunt. Sic Sigismundo Bathoreo Transyluanix, & supra
dicto

dñs Michaeli Moldauæ, Palatinis: itemque Rudolpho
 & Matthiæ, Cæsaribus Germaniæ, bellum pro Christiani-
 tate gerentibus, plurimi procerum Poloniæ filij, cum
 integris cohortibus & alis, solius virtutis causa, auxilia
 præstiterunt. Et nusquam tamen in bellis illis, tam bre-
 ui tempore parata maior de Turcis victoria, quam his pro-
 ximè elapsis annis in Valachia à nobis, cum publica hæc
 Orbis lues, ferum Otthomanorum genus Europæ simul
 imminens, Poloniæ grauissimum indixisset bellum. Quod
 itaque horrendam illam Turcarum Tyrannidem non pa-
 tiamini, ô iactabundi vicini, quodq; durissimum intole-
 rabilis seruitutis Scythicæ iugum, ceruicibus non exci-
 pitis, Polonorum virtuti post Deum acceptum ferre de-
 betis, qui pro publico Christianitatis bono, pro gloria
 Crucis, proq; adipiscenda immortalis fama, mortem op-
 petere pulcherrimum censent. Vobis contra tot cladibus
 ab illis affectis, tot vrbibus & prouincijs spoliatis,
 totq; domis ætis inter se dissectis, vt vix vmbra tantum
 antiquæ maiestatis Principes vestri teneant, non itidem
 gloriari, & nobis imbelliam exprobrare conuenit, vtpotè
 qui legatos Bizantijs perpetuò habere tenemini, veluti
 belli deprecatores, singulis annis Tyranno honoraria of-
 ferentes: quos ille siue sua superbia, siue religionibus no-
 stris offensus, nullo colloquio, ac vix quidem conspectu
 dignos putat, vestrasq; opes fastidiosè despicit, ratus in-
 fra sui imperij dignitatem, suos quoque legatos ad mu-
 tux amicitix commercium in vestras oras destinare.
 Quinimò gloriatur se habere tributarium Germanorum
 Imperatorem. Et reuera dum vltro citroq; in Comitibus
 vestris disputatur, vix non semper aliquid à Turcis ex-
 pugnatur, cum probro & ignominia Christiani nominis
 sempi-

Ioseph. Sc
 liger declar
 mat. contra
 obiect. Ger

Rod. de Re
 pub. lib. 1.
 cap. 6.

sempiterna. Sicque sub Vormunen. imperij Comitiss
Hungariæ Taurinum, sub Norembergen. Rhodum, sub
Spirensibus Budam, sub Augustanis Strigonium captum
esse memorant. Quapropter desinite nobis vanè res ge-
stas vestras obtrudere, & rei militaris ignorantiam ex-
probrare, qui hac in parte multò superiores vobis sumus,
reiq; equestris ita impensè studiosi, vt quot nobiles su-
mus, tot equites ad bellum instructi censemur esse, vbi
grauis Reipub. necessitas ingruerit: alias bella minuo-
ra conscripto milite & stipendiario peragimus. Qui, etsi
equis malumus quam pedibus prælium inire, solemus
nihilominus & peditum dilectus habere, qui & audacia
vestris sunt pares, & robore ac fide quibusuis extraneis
longè meliores. Vtimur attamen mercenario peditatu,
vt sanguini nostro parceremus, maximè in expugnatio-
nibus munitionum. Quod si adhuc quam equis, tam
nauali industriæ assuesceremus, qui & Balticum & Eu-
xinum mare habemus, proculdubiò cunctis Europæis
si non superiores, at certè æquales existeremus, omnesq;
Orientis opes soli ad nos traheremus. Quamuis igitur sæ-
culo hoc Regnorum & Rerumpub. momenta multò
callidius quam olim sint procurata, bellaq; ingeniosius
aut illata aut repulsa, nihilominus pares vbiq; laceffen-
tibus nos fuimus. & Germanorum cum Maximiliano
Archiduce venientium, breuissimo bello potentiam fre-
gimus, & totius Moscouiæ inæstimabiles opes euertimus,
& Daciam vniuersam inuasimus: & transmarinorum o-
mnium, cum Carolo Sudermaniæ Principe in Liuoniam
irrupentium astus & ingenia elusimus, & Serenissimo
Ferdinando II. contra rebelles Hæreticos subsidio adfui-
mus, & Danorum temeritatem suppetias Gustavo feren-
tium in Prussia castigauimus. Nostrasq; sanè res non vllis

arcium munimentis, non urbium propugnaculis, sed sola virtute nobilitatis, & infracta animi magnitudine contra omnes hostium insultus, hætenus inuicta perstitit. Cæterum quia ut apud omnes alias gentes, sic & apud nos quoque pro genio regnantium sæpè mutata limitum sedes est, nunc illos in viciniam proferente, nunc in artius cogente fortuna: quæ, tametsi difficillimo hoc bello Prussico virtuti nostræ defuit, tamen non defuimus ipsi nobis. Et prodita hosti prouincia Hæreticorum perfidia, urbibusq; munitissimis Germanæ nationis passim Gustauo deditionem facientibus, accurrimus frequentes vtrò quo pectoribus nostris more Spartano resisteremus: pugnauiusq; pluribus in locis felicissimè, ad Ornetam videlicet, ad Olstiniam, ad Scarisouiam, Marieuodram, ad Puckum, Nouomlinum, Neistadiam & Gruncwaldum, ubi tot Centuriones, tot Chiliarchæ, totq; Præfeti Suecorum occisi sunt, captiq; circiter quadraginta quinque cohortium Ductores, tres verò legionum Tribuni, Baldissus nempe Taisius, & Streffius: exceptis qui in Liouonia à Christophoro Radiuillo, ab Alexandro Gonsenio & à Leone Sapieha, cæsi varijs in conflictibus aut capti fuere. Cum vna Amerstinensi acie in Pomerania, integræ Germanorum legiones, cum suis alis, in potestatem Stanislai Konięcpolskij venerint: vnoq; triumpho septem & triginta hostilia signa ab eo Varsouiam importata fuerint, quæ in Basilica Diuo Ioanni Baptistæ sacra, de more appensa, perpetuum sunt de Gustauo victoriæ monumētum. Qui iudem perfidia Germanicæ gentis, cum nos bello Turcico intenti essemus, Rigam Liouoniæ metropolim atque adiacentia municipia per deditionem acceperat. quamuis non gratis illa prouincia potitus, sed ut in Prussia in prælio Derlauensi globo sclopetario percussus, vix fuga salutem sibi quæsiuit, sic & ibi similiter bombardæ
vaine.

vulneratus vix manus nostrorum per aliquot milliaria à tergo instantium euaserat, & nisi equo fluvium transisset, absque dubio bellum Suevicum in Liuania finem suum habuisset, Prussia in integro manente. Verùm Fatis sic volentibus, scriptis dolo malo cum Duce Radiuillo inducijs, bellum fraudulentus iterum redintegravit. Quo tantopere recrudescente, tota ferè tempestate quatuor tantum militum Centuriones in pugna amissimus, tres verò in excursionibus captos, permutatione liberauimus; signaq; nostra tantummodò septem in hostium potestatem deuenere partim in Prussia, partim in Liuania amissa. Præter aliquot homines Gallos, & Præfectos Germanorum, qui dato Sacramento, & pecunia à nobis accepta, summo scelere & ignominia gentis suæ ad hostem desciuere. Et tamen impudentissimi nonnulli scriptores, odio nefario gentis nostræ, non erubuerunt ijs in locis, in quibus nos Deo propitiante insignes victorias consecuti sumus, tot Polonorum millia occisa scriptis suis affirmare, quot ne in castris quidem toto bello Prussico fuerunt. Prout & præsentis ætate duo Polonorum millia à Moschis cæsa esse nugarum ille pater Mercurius Gallobelgicus scripsit: cum ne somnium quidem esset nobis de bello cum Moschouitis, inducijs ad biennium adhuc existentibus. Sic idem, ante decennium Zolkieuio, à barbaris in Valachia occiso, quî cum septem millibus Polonorum, Gratiano Moldauicæ Principi, suppetiatum contra Turcas iuerat, mendax Mercurius scripserat, Zbarauios fratres ibidem cæsos fuisse, Zamosciuq; Ioannis F. cum duodecim millibus nobilium vnâ cum eis occubuisse, cum nullus eorum illi prælio interfuerit: & Zamoscius hodie Procancellarij munere cum laude in Repub. fungatur. Zbarauioruq; alter nunc Castellani Cracouiensis dignitate illustris, principem in

*Julius Bellus
in Lau. Aust
et Mercur.
Gallobelg.*

Senatu locum obtineat, vigilantissimus Reipub. custos.
 Alter obita honorificentissime Constantinopolitana le-
 gatione (cum Osmanus ob rem male in Polonia ge-
 sta a Ianizaris occisus esset) fœderibusq; cum nouo Im-
 peratore scriptis , sub initium belli Prussici cum mœrore
 bonorum omnium, certè cum damno Reipub. diem ex-
 tremum obierit. Sic quoque cum in Liuania, vt sunt al-
 ternæ bellorum vices, castris nostrorum Gustauus poti-
 retur, idem errabundus Deus narrauit Generalem Litua-
 niæ cum tota præcipua nobilitate cæsum fuisse, cum nec
 fuisset tum in castris ipse, sed filius eius tantummodò cum
 mille ducentis peditibus, & aliquot equitum cohortibus,
 At hîc Panegyristes in laudes Sueci excurrit, & duos ab
 eo, Regis nostri duces, acie fugatos esse dicit, hunc vi-
 delicet, pro patre legatum, in equo fugientem, alterum
 in Prussia, equo amisso, pedes. Quid mirum? sic enim
 fert alea Martis, sed quorum nihilominus vterque sal-
 uus euasit, hosti non incruenta victoria relicta, sic vt Gu-
 stauus ipse proprio sanguine purpuratus esset. Ferunt Pyr-
 rhum Epirotarum Regem, cum semel & iterum inisset
 cum Romanis prælium, & multos suorum desiderasset,
 tandem exclamasse. Miserum me inquit, qui si adhuc
 tertio vicero, haud scio si meorum superstitem aliquem
 videro aliquando. Sic Gustauus vester, si Dñs placet
 primus in Europa Imperator, & vt Zeuecotius vult, ter-
 ror Poloniæ, si tertio adhuc vicisset exercitus nostros,
 haud scio si & ipse superstes extitisset, ne dicam suæ in-
 fractæ legiones. Nam vbi Rex ipse vulnera corpore
 excipit, quid putatis quanti sibi illa victoria constat?
 quantum sui milites periculorum habent? Nesciuerunt
 fortassè sui encomiastæ etiam ipsum victorem illa acie,
 latebras quæsiuisse? cum tamen sui milites fortuito vi-
 ctoriam

*Elias de Nu-
crois.*

*Ita obue Ze-
uecot? Ob-
fer: Pol. lit.*

Aoriam obtinuerunt, quod nostri loco vliginoso impe-
 diti iterato concurrere, aut laborantibus succurrere ne-
 quiuissent. Demus hoc illorum felicitati, non tamen
 Suedicæ virtuti, qui nullibi antea, & postea, impetum
 nostrorum sustinere potuerunt, Gustauusq; ipse salutem
 sibi fuga aliquoties quæsierit, & non equum, vt noster
 Ductor inter paludes, sed gladium primò, deinde pile-
 um, in campo patentissimo, fugiendo amiserit, seseque
 fluuiò non semel præ metu commiserit: cum tamen ve-
 teres bellatores scutum aut arma amisisse, ignominia lo-
 co ducerent: quod hæc inter præliandum conseruare,
 virtutis esset, bello autem vincere, fortunæ. Itaque peri-
 clitabatur acie Suecus sapius, specie pacis delusit no-
 stros sapius, congressusq; iusto prælio victus abiit sapif-
 simè, & quidquid in Prussia aut Liuania locorum hæte-
 nus possedit, totum id perfidia & proditione, Germani-
 cæ gentis hominum Hæreticorum, obtinuit: qui ob re-
 ligionis velut nexum passim ei deditiones faciebant,
 nullo interea exercitu nostro in partibus illis existente.
 Superuenientibus autem Aquilis nostris, & iusto con-
 gressu aleam belli explorantibus, quàm paucis comita-
 tus gloriosus imperator ille, quàm trepidanter impera-
 torijs in signibus detractis turpiter fugerit, quàm iterum
 in fuga, non nocti, non valetudini, pepercerit, quàm se
 flumine nauicula non expectata vt dixim⁹ cum equo cō-
 miserit, ne vlla vel minima res fugæ celeritatem retarda-
 ret, orbivniuerso, est probè cognitum. Et tamen Bellus
 ille minimè bellus, non erubescit audacter asserere, de-
 cem Polonorum millia ad Puckum caesa fuisse, decem
 ad Dersauia, decem ad Meuam, decem ad Bronsber-
 gam, decem ad Stralsburgam, alijsq; in locis plurimis, in
 quibus nos haud infeliciter pugnauius: vixq; toto bello

*Julius Bellus
 in Lan. Aufe*

Prussico decem Polonorum millia in castris habuimus, Germanicis legionibus exceptis, Quarum sanè per exiguam utilitatem habuimus, quod & proditioes continuas facerent, transeundo ad hostem, & quod aëris peregrini impatientes, non modò ipsi lue castrensi perierint, sed totam etiam Poloniam peste contagiosissima infecerint. Atque cum ita nemo sine præsentis mortis periculo castra adire posset, Batauis primùm & Brandeburgico Electore interuenientibus. deinde Galliarum atque Angliarum Regibus Potentissimis mediantibus, pax in Sexennium conclusa est. Neque etiam potuit, omnia tantæ expeditionis pericula anxie reputans, vel peditum Germanorum robur, vel equitum nostrorum diligentia, vel ciuium vtrò ad bellum id concurrentium sedulitas, aliū cūctum consequi, cum ad naturam nostratium sua sponte cūctantem, senectus quoque ac morbus Serenissimi Regis nostri accessisset. Quamuis igitur Sarmatiæ nostræ vires, Auditores, tum domesticis discordijs, tum nimia militum licentia, tum bellis continuis vndiq; ingruentibus, paulatim attritæ, velut fatali senectute emarcuerunt. Nusquam tamen vltamarinis populis virtute cedemus: nusquam extimescemus astus eorum: nusquam Deo protegente succumbemus vicinis nostris. Quantum enim morem illum extollunt Anglorum atque Hollandorum, exurendi pyropio puluere naues suas vbi ad extremum fuerint ab Hispanis redacti: quantis laudibus cumulatur prærogatiua veterum peditum Germanorum, qui Sacramento sese obstringebant in acie occumbendi si vincere non contigisset: quanta admiratione venerantur Moscouitæ, qui mortem potius subeunt certissimam, quàm aut arcem dedant necessitatibus adacti, aut bellica tormenta in acie relinquant: quantum
inquam

inquam gloriæ ex his illi sibi vendicant, tantas nostrarum
laudum faciunt accessiones, Nam & Moschouitarum sa-
pissimè cum tormentis etiam bellicis, ipsis potiti sumus
castris, præcipuasq; eorum expugnauius vrbes, & pau-
cos ante annos totius Moscouiæ propugnaculum, mu-
nitissimum Smolenscum. Et Caroli Sudermani classem
ex Anglis & Batavis constantè olim in Liuonia Chodkie-
uicius expugnauit, & Gustau nuper bello Prussico naues
partim igni exussimus, partim captas in triumphum du-
ximus. Et Germanorum peditum fortissimas legiones
tum Stephano Bathoreo regnante ad Dersauiam & Ge-
danum, tum succedente illi Inuictissimo Sigismundo III.
ad Cracouiam & Bicinam, primò cum Archiduce Ma-
ximiliano: deinde ad Vendam, Pernauiam, Rigam, Ni-
tauia, Kircholmiam, Dunemundam, & Bialokamie-
nium cum Carolo Sudermano patre Gustau: postea ad
Clusiniam in Moscouia, cum Comite de Pontibus, atq;
ad extremum in Prussia, cum ipso Gustauo pluribus vt
retulimus in locis, vicimus, sagauimus, dissecimus. Qua
propter, si Arcades olim ante Lunam sese ortos prædica-
bant, nos Sarmatas certè ante Martem natos credere o-
porteret, vt quibus nimirum prius bella gerere vsitatum
sit, quam de Marte fabula fuerit nata: priusq; populos
potentissimos domare contigerit, quam aut Marti alijs,
aut gloriæ litauerint: & quibus etiamnum non est du-
rum sanguine oblitis stare in acie, seruare stationes, z-
stum, frigus atque famem pati, mortemq; demum ipsam
pro religionis Catholicæ integritate, pro patriæ incolu-
mitate, proq; gloria immortalis adipiscenda, subire. Vosq;
Equites fortissimi, qui bellis modernis, ac præcipue Prus-
sico, interfuistis, (nam de maioribus nostris iam satis di-
ctum est, extantq; supra humani ingenij captum eorum
facta,

facta, atque per se loquuntur ipsa) vos inquam qui Prus-
sico bello, omnes transmarini militis assultus, pectore
intrepido excepistis, fortiter repressistis, aduerentemq;
fortunam constanter pertulistis, vindicate nomen Polo-
num ab infamia criminorum, tristiaq; patriæ fata, vestra
virtute corrigite, ne vobis in posterum insultent vicini
populi: neue Suedica gens veneficijs infamis (& apud
quos aiunt venalem ventum esse, quem inde nauigato-
res emant) in vestris prouincijs diutius regnet aut fictis fe-
deribus decipiat. Corripite arma. viciscimini perfidiæ
Hæreticorum, & tota Liuania atq; Prussia ejicite frau-
dulentum hostem: demumq; effundatis in nepotes no-
minis Sarmatici spiritum illum fortitudinis, nobilitatis,
libertatis, quo & antiquis illis, & vobis olim pares esse
queant. Sic enim virtus vestra, omni fructu gloriæ au-
cta, non prætorum exitu, nec finibus imperij, aut
curriculo temporum terminabitur, sed orbem
vniuersum peruagata, ipsam demum
æternitatem excipiet.

D I X I.



